




XL
CARPZ
in.N.T.
Locū de
Asino &c

1671







Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.557



Early European Books, Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.557





Early European Books. Copyright © 2012 ProQuest LLC.
Images reproduced by courtesy of the Biblioteca Nazionale Centrale di Firenze.
CFMAGL 2.6.557


2. 6. 557.

2 R. 6

XL
CARPZ. in
N.T. Local de
Arius &c.







בש' הקנה

PHILOLOGEMA SACRUM
DE
ASINO MESSIÆ,
CHRISTI IN URBEM
JEROSOLYMA
VECTORE.

ex

PRÆLECTIONIBUS PUBLICIS

Viri Pl. Reverendi, Amplissimi atq. Excellentissimi

DN. JOHANNIS BENEDICTI
CARPZOVII,

S.S. Theol. Lic. ad D. Thomæ Ecclesiastæ

fidelissimi, nec non S. Lingvæ in hâc Academiâ

Prof. Publ. celeberrimi,

Domini, Patroni, Præceptoris ac Fautoris sui

atq. suscipiendi,

pridem excerptum,

Nunc

SUB EJUSDEM PRÆSIDIO

solenniter ventilandum

P. P.

JOHANNES Lütke / Thoruniensis Prussus.

ad d. XII. April. A. C. M. DC. LXXI.


horis consuetis in Auditorio Colleg. Maj. Principum.

LIPSIAE,

Apud Hæredes FRIDERICI L'ANCKISIL.

Typis JOHANNIS ERICI HAHNII.







Præstantissimo Doctissimoq; Juveni,
Dn. JOHANNI Lütke/ Thoruni-
ensi Prusso,

Amico & Respondenti meo
gratulabundus
S. D.

JO. BENEDICTUS CARPZOV,
Ling. Sanct. Prof. Publ.

CUm mihi superioribus diebus Philologema hoc offerres, rogaresq; uti sub præsidio meo, Te Respondente, paterer Academico more ventilari, agnovi equidem meum, & abhinc ferè biennio pro lectione publicâ traditum recordabar; anceps tamen hærebam, num consentire liceret in petiitum? tum quòd eam in proponendo diligentiam adhibuerim, quæ Auditoribus quidem meis sufficiebat, at non Lectoribus satisfaceret promiscuè omnibus, quorum oculis sic typis exscriptum subjiceretur, tum quòd verebar, ne ægrè ferrent, qui hæc & alia id genus unà tecum ab ore meo exceperant, si publico dari sibi quasi vindicata, seq; adeò suâ diligentia defraudari viderent. Nihil enim abs me hoc animo solet Auditoribus proponi, ut typographi operâ cum pluribus olim communicetur, sed quæ semel prolata aut ad calamum dictata sunt, ipsis illis, qui scribendi labore defungi voluerunt, mancipata & propria reputo, unde fit, ut non tantum nostræ etiam Camoenæ alterna ament, atq; nunc in explicandis præceptis Grammaticis, nunc vocibus Biblicis resolvendis, jam in enu-

clean-

cleandâ Spiritus Sancti phraseologiâ, jam Concordantiarum, quas vocant, Hebraicarum usu monstrando, pro captu discendum occupentur, interdû verò ad excitandum veluti appetitum hujusmodi bellaria & cupedias apponant, verûm & in tradendis iis varietate aliquâ delectemur, & nobis saltem in memoriâ subsidium autorum, ad quorum lectionem nostros invitamus, nominibus & locis annotatis, ex ore sapius quàm chartâ scribere jubeamus. Sic, quæ calamo excipiuntur, non mea sunt, sed scribentium. Cæterum, dum hæc ita recolo, eò minùs intelligo Tibi laudabile institutum negari posse, quò majùs in hoc quælecunqve schediasma jus acquisivisti, tuâqve Tibi diligentia vindicasti Tuum & proprium. Commilitones verò, tantum abesse credo, ut Tibi irascantur, uti potiùs hoc Tuæ industriæ exemplum intuiti, occasionem prehensuri sint, si non paria, haud tamen prorsum disparia tecum faciendi, nempe si proprias quoqve vires in conscribendis pariter & defendendis id genus meletematis tentaverint. Quorum ego conatibus, cum meæ id Professionis sit, consiliis, & commodatione librorum, & cæteris, quibus opus fuerit, adminiculis semper adero. Tu interim, Doctissime Lütkeni, macte hæc industriæ Tuæ laude, & quod exhibuisti diligentia specimen, pari eruditione defende: ita Tibi jam utramqve, atqve olim utriusqve fructus ex animo gratulabimur. Vale. Scribebam in Museo Lipsiæ, ipsâ Dominicâ Palmarum, A.R.S. MDC LXXI.

PHILO-

PHILOLOGEMA SACRUM

de

P

I. Vaticinium Zach. IX, 9. è quo de duobus quæritur.

(a.) *Sentilatur*, ubi *sententia*

R. Mosi hacohen, & R. Aben Ezra

R. Isaac. Abarbanelis

R. Salom. Jarchii, R. Das, Kimchii, R. Sal, Aben

Melechi, & denuò R. Abarbanelis, uti &

Judaizantis *Grotii*

Talmudistarum è Gemarâ

Veterum Rabbiorum ex *Rabbos*

R. Lipmanni, Sycophantæ

Anonymi Autoris Nizsachon Munsteriani

Baal hatturim

(8.) affirmatum conciliatur cum alio vaticinio Dan.

VII, 13. quod Messiam in cœlinubus venturum

prædicere, contra R. *Aben Esram* pleriq; & nomi-

natim R. Abarbanel, consentiunt.

ubi tres conciliandi rationes :

Prima Talmudistarum, à dignitate vel indignitate

Judæorum

Secunda Plebejorum Rabbiorum, à duplici Meſſiâ

ben-David & ben-Joseph

quæ parabolicè à primis auctoribus intelle-

Etā, à modernis Rabbiniis pervertitur, &

eadem est cum

Tertiâ *R. Sabadiaz Gaen*, à duplici Messiaæ statu, si qvi-

dem hic sensit, quod verba loquuntur

(2.) de *Asino*, qualem fore dicant Judæi, cui Messias olim insec-

surus prædicatur? Is, præmissâ *Saporis Regis* ironiâ

describitur

A

(a.) à na-

PHILOLOGEMA SACRUM

- (α.) à *naturâ*, quam cum reliquis asinis eandem habet. §. 16.
 (β.) à *quibusdam prerogativis*, quoad natales, seffores, aetatem, colorem. §. 17.
 His expeditis ostenditur verbis *Chrysofomi*, quem hæcenus è Rabbini disputata usum contra Judæos habeant. §. 18.
 II. Vaticinii complementum *Matth. XXI, 2. seqq.* circa quod iterum duæ quæstiones ventilantur.
 (1.) de *Christo*: Utrum hæc asini vecturâ splendorem regium, an sui contemptum quæstiverit?
 Sententia (α.) affirmativa prioris exponitur & rejicitur. §. 19.
 (β.) affirmativa posterioris itidem exponitur & rejicitur. §. 20.
 (γ.) nostra, quæ neutrum asserit, sed morem inter utrumq; interponit (præmissis aliarum gentium moribus,) §. 21.
 ex antiquitate Hebraicâ probatur §. 22.
 probata illustratur §. 23.
 illustrata vindicatur. §. 24.
 (2.) de *Asino*, utrum duo fuerint animalia, *asina* & *pullus*, quibus Christus insederit, an saltem unum, nempe *pullus*? §. 25.
 Sententia prima, uni, nempe *pullo* insedis, at nec de pluribus adducendum vaticinatum fuisse *Zachariam*, exhibetur cum observationibus §. 26.
 Secunda, duobus, *asina* & *pullo*, sed per *verses* insedis, recensetur itidem cum observationibus. §. 27.
 tertia, insedis utriq; simul, pedibus nempe pulli tergo impositis, rejicitur. §. 28.
 nostra, duo adducta, sed uni, nempe *pullo*, insedis, per certas observationes, potissimum ex *Philologiâ Hebraicâ* probatur. §. 29.
 III. Emergens ex utroq; calumnia, in Judæos & Christianos à Gentilibus sparsa, quod *Asinarii*, & *asini cultores* sint. Ubi
 (1.) recensentur ista convitia in utrosq; conjecta §. 30.
 (2.) exponitur nostra de iis conjectura, nata nimium occasione *Asini Messia*, de quo jam egimus §. 31.
 (3.) ostenditur, sine convitio hanc *ὁνομασίαν* Pontificii imputari posse, ac referuntur eorum tum reliquias de *caudâ asini Christi* religiosè cultæ, §. 32.
 tum processio super *asinum* die *Palmarum* institui solita. §. 33.
 S. I. Qvan-

S. I.



Vanquam Asinum Aldrovandus *lib. I.*

de Quadrup. c. 2. fol. 140. animal vel solo nomine no-
bis invisum vocat; ut tamen idem prolixam ejus
considerationem non modo suscepit, sed & utilis-
simum nec minus eqvo necessarium commendat,
non secus ac Jonstonus *lib. 1. Hist. Nat. de Quadrup.*
c. 2. fol. 23. cum & is Aldrovandi exemplo de Asino acturus esset,
despectum quidem, sed non minus utile jumentum laudabat: Sic neq; nos
in presenti Asini averfabimur contemplationem, non qualem post
Gesnerum uterq; horum, eosq; imitatus Gasp. Schottus *lib. IIX. Phys.*
curios. c. VII. p. 797. seqq. jam persequuti sunt, nec ut ingenii solum
exercendi & temporis fallendi ergo nugas agamus, illius fortè texen-
do laudes, quas conquisitis undecunq; argumentis *Henr. Corn. Agrip-
pa & Jo. Passeratius* collegerunt, dum encomium Asini uterq; non in-
feliciter scripsit, quale & in *Cipoli Monachi in Asinum Pono craterem*
omitione funebri habetur, quam *Gulielmus Canterius* Latine interpre-
tatus est, & carmine Heroico reddidit *Jacob. Lyndius ab Hansted*, quæ
omnia junctim cum id genus aliis ad laudem Asini facientibus Cas-
par Dornavius *Tom. 1. Amphitheatr. fol. 493. seqq.* recensuit; Nec ut
Lucianum Samosatenum imitemur, cujus non ingeniosa minus, quam
jocosa de Asino narratio, in quem se in Thessaliam profectum
discendæ artis magicæ studio, cum artis periculum faceret, mutatum,
& inde variam fortunæ vicissitudinem, donec in pristinam hominis
figuram rediret, expertum fingit, quæ *Tomo III. Operum illius à p.*
338. edit. Basil. Græco-latin. continetur, totius vitæ humanæ speciem
atq; imaginem per quam sanè eleganter depingit, sicuti hanc Luciani
fabulam postea *Apulejus Madaurensis Platonicus XI. libris Metamorpho-*
seon, quos *lusum Asini* inscripsit (à pag. 102. edit. Geverhart. Elmen-
horstii) affectis compluribus aliis ad hoc argumentum spectantibus
imitatus est, quorum pleraq; *Fulgentius*, is qui & in cæteras Poetarum
fabulas mythologias scripsit, mythologicè exposuit; nec tandem,
ut ab Asino Satyram scribendi materiem mutuemur, qualem *Anony-*
mus quidam, quem *Danielem Heinsium* esse non immeritò suspicamur,
Lugduni Batavorum Anno 1623. sub titulo: *Laudis Asini Senatui Populoq;*
eorum, qui ignari omnium scientias & literas hoc tempore con-

Varia vari-
orum scri-
pta de Asi-
no.

A 2

temnunt,

*Quid spectas Asinum? Cœlestem suspice Regem,
Et Servatori dic Hosanna tuo.*

S. 2. Initio autem tenendum est, non deesse inter Judæos, qui Zachariæ Prophetiam malint de quovis alio, quàm de Messia interpretari, ne pauperem vehundumq; A fino Messiam, sed omnibus numeris divitem & gloriosum expectare videantur, aut palmam dare cogantur Christianis ad complementum vaticinii in Jesu Christo Nazareno, vero atq; unico Messia provocantibus. Hinc R. Moses Haccohen de *Nehemiâ*, R. Aben Esra verò de *Juda Hasmoneo* exponit; quorum hic illius sententiam longè quidem meliorem aliorum opinione æstimat, qui Regem Messiam qualemcunq; demum intelligendum putent, mox tamen ipsam quoq; improbat, & suam in ejus locum substituit. Verba Rabbini adducere, cum utriusq; sententiam describant, operæ pretium erit, ex *Comm. b. l. fol. DCLIV. col. 1. רבי*

R. Mosen
de *Nehemia*
exponen-
tem refutat
R. Aben
Esra.

משה הכהן אמר כי הוא נחמיה וכתוב בעזרא עליו מלך
ביהודה על כן אמר עני ורוכב על חמור כי אם הכהמה
לא חזקיר סוס מבלי יכולת כי עני הוא ולא דבר נכונה כי
פחה היה ולא בקש לחם הפחה מישראל ובכל יום ואכלו
דבש על שולחנו ואך לא הורה לו סוס ועוד מה
טעם על בניך יון ובזמן נחמיה לא משלו יונתם

DE ASINO MESSIAE.

על ירושלם ולפי דעתי כי זה המלך יהודה בן חשמונאי
שהיה גבור ככתוב ושמתוך כחרכ גבור וידו גבורה על
היונים ובתחלתו לא היה לו לא עושר ולא סוסים:
R. Moses Haccoben ait, hunc esse Nehemiam quippe de quo in Esra (Nehem. VI, 7.) scriptum est, REX IN JUDA: Hic ideo vocatur pauper & insidens Asino, quia tantum jumentum, non Equi, ibidem meminit Scriptura ob inopiam, quod pauper esset. Quamquam id non videtur verisimile, siquidem Dux & Princeps erat; Princeps autem non quarit panem ab Israelitis, sed plurimi potius de ejus mensa quotidie vescuntur. Ee quomodo non fuisset ipsi equus? Quis porro sensus esset verborum (v. 13.) CONTRA FILIOS TUOS GRÆCIA? Atqui tempore Nebemie non dominabantur Græci super Jerosolymam. Itaq; mea sententia hæc est, Regem hunc (de quo vaticinatur Zacharias) esse Judam filium Hasmonai, qui potens quidem erat secundum id quod scriptum est (v. 3.) ET PONAM TE TANQUAM GLADIUM POTENTIS; cujus etiam manus prevaluit contra Græcos; sed qui tamen ab initio neq; divitias, neq; equos habebat.

§. 3. Etsi verò hujusmodi detorsiones ambabus aliàs amplecti R. Aben-
solent Hebræorum Magistri, Veritatis Evangelicæ Messiam jam du-
dum exhibitum demonstrantis abjurati hostes; hinc tamen conscien-
tiâ convicti, non possunt, quin מלך המשיח כל זמן ע-
mne de Rege Messia interpretentur, quæ expressa verba sunt celeberrimi illius R. Isaaci Abarbanelis Comm. in Proph. poster. f. CXC. col. 1. Abarbanel.
cùm utriusq; sententiam, Moïsi pariter & AbenEsræ paulò altius pet-
penderet, & sicut AbenEsræ R. Mosen, sic ipse R. AbenEsræ con-
funderet, verbis oppidò dignis, quæ transcribantur. Postquam enim
Regem hinc promissam, fore dixisset שהוא חוטר המלך האמתי שהוא חוטר
מגוע ישי הויה לא כהן מזרע אהרן ולא ממשפחת
אחרת לא Regem verum, qui virgula sit de sur-
cuto Isai, non sacerdotem ex semine Abaronis, neq; ex aliâ quadam
familiâ oriundum, sed Regem verum, mox ad examen eorum, quæ
ex AbenEsræ commentario produximus, sese confert: כבר חשב
הראב"ע כפי כוונתו המושחתת לפרש גם הפרשון
הזאת ע"י בית שני ופירש מלכך יבא לך ע"י
דעת ר' משה הכהן בנחמיה התר שתא שני בעזרת
עליו מלך ביהודה ולא קבלו הרב רבי אברהם
בן

בן עזריא כי פתח היה ובזמיו לא משלו יונים אבר
 קבר שנאמר על יהודה בן חשמונאי שהיה גבור
 ובתחילה ענינו היה עני ורכב על חמור וכישראל לא
 היה סוס ורכב בהיותם תחת יון ותמהתי מהכוונה
 הרעה שעוררה את שכלו כי הנדה לא נקרה יהודה
 בן חשמונאי מלך כל ימיו כל שכן מלך מכונה לציון
 שהיה דוד שלכו את ציון ואם על החשמונאים ניבא
 מה לו לאפרים כי מלכות אפרים לא היה בבית
 שני גם שיהודה חשמונאי לא דבר שלום לכה
 הגויים ולא משל מיום עד יום ולא נתקיים
 בזמנו קשת מלכות אפרים כי מלכות עשרת השבטים
 שנקראה מלכות אפרים לא שב עד הנדה ושאר דברי
 הפרשה כלם מכחישים דעתו תכלית ההכחשה:
 h. e. R. AbenEsra jam pridem juxta intentionem suam certè cor-
 ruptam exponendam esse existimavit hanc etiam sectionem de domo secun-
 dâ, interpretatusq; est verba illa: REX TUUS VENIET TIBI, ex senten-
 tia R. Mosi Haccoben de Nehemia Hatirschatha, qui in Esra (Neh. VI, 7.)
 REX IN JUDA dicatur; Ipsam verò suam non fecit magnus ille Rabbi
 AbenEsra, tum quòd Princeps fuerit, tum quòd Graci illis temporibus sum-
 mam nondum potestatem habuerint; sed maluit de Juda Hasmonæo in-
 terpretari, qui potentissimus fuerit, sed sub initium administrationis suæ
 pauper, & Asino vectus, siquidem in Israele nulla equi aut currus copia
 sub imperio Græcorum daretur. Enimverò miror ego persuasionem istâ
 hanc malam, quæ intellectum ejus excacavit. Ecce enim nunquam o-
 mnibus vitæ suæ diebus Judas Hasmonæus Rex vocatus est, multò minus
 Rex à Zione denominatus, qui est David, utpote qui Zionem occupavit.
 Præterea si de Hasmonæis vaticinatus est Propheeta, quid fiet cum Ephra-
 imitis, quorum meminit, siquidem Regnum Ephraim sub templo secundo
 non superfuit? Neq; etiam Judas Hasmonæus pacem dixit omnibus gen-
 tibus, neq; imperium tenuit à mari usq; ad mare, neq; illius temporibus
 Arcus Regni Ephraim firmatus est, cum ipsum Regnum decem tribuum,
 quod Regnum Ephraim vocatur, nondum hæcenus restitutum sit. Imò &
 omnia totius contextus verba reliqua hanc ejus sententiam summi erro-
 ris arguunt. Quæ igitur vera erit? והלא אשר דברו שהיה
 יעוד הכה מלכו יבנה לך לעתיד לבנה והוא דעת רש"י
 והרב רבי דוד קמחי: Itaq; inquit, optimè fecerunt illi, qui pro-
 missi-

R. Abarba-
 nel de Mef-
 sia interpre-
 tatur.

missionem hanc: ECCE REX TUUS VENIET TIBI, adhuc implendam dixere, quæ sententia est R. Salomonis Jarchii & magni illius R. Davidis Kimchii.

§. 4. R. Salomo Jarchi sanè non posse de alio, quàm de Messia exponi, tot verbis asseruit *Comm. b. l. f. DCLXXXIX. Col. 1.* אִי cum Raschi
אפשר לפותרו אלנה על מלך המשיח שנאמר בו ומשל
מים עד ים ולנה מצינו מושל לישראל כוזה בימי בית שני
Impossibile est, inquit, interpretari hunc locum, nisi de Rege Messia,
quia dicitur (v. 10.) Et dominabitur à mari usq; ad mare. Atqui non
invenimus hujusmodi dominatorem Israelitarum tempore templi secundi.
Nec indecoram Messia suo hanc Asini vecturam statuit, sed id fore di-
cit מרת ענווה *virtutem aut attributum humilitatis;* quâ ratione
& R. Dav. Kimchi in *b. l. fol. cit. Bibl. Basil.* de mansuetudinis & hu- R. D. Kim-
militatis indicio exponit, voce עני pro ענו positâ (quam LXX. chi.
qvoq; πᾶσι vel πᾶσι reddiderunt, & Evangelista retinuit *Matth.*
XXI, 5.) jamdum significato: רוכב על החמור לא מחסרון שהרי
כל העולם יהיה ברשותו אלנה מענווה ורכב על חמור
ועוד לחורוה כי לנה יצטרכו ישראל לסוסים ולרכב
לפיכך אמר אחריו והכרתי רכב מאפרים וסוס מירושלם;
Vehendus, inquit, dicitur Asino, non ex inopia: Ecce enim totus
mundus erit in illius potestate; Sed ex humilitate Asino insidebit. Prater-
eà ad docendum, quod Israelita opus non sint habituri equis & curribus;
ideò enim mox addit: Excindam currus ex Ephraim & egros ex Jerusa-
lem. Quæ omnia R. Salomo Aben Melech in *Michlal Jophi ad b. l.* R. Aben
fol. CLXI. col. 1. ad verbum suo more transcripsit, ac prorsum ita re- Melech.
petiit R. Abarbanel *loc. cit.* Nam & עני מלשון ענווה *sensum vo-*
cis עני non à paupertatis, sed mansuetudinis & humilitatis significatio-
ne advocandum; & huc ipsammet Asini vecturam trahendam scribit:
לנה ירכב מלך המשיח על חמור לדלותו שלנה והיה
לו סוס כי הוה ימלוך על כל כלי חמורה אלנה מפני
ענוותו ולחורוה שלא תהיה עוד מלחמה בארץ כי המלך
הבוטח בה בדבריו פיו ישפוט שלום בכל הגוים לפי
שהוא ימשול מים עד ים וכן נאמר בספר תהלים וירד
Non, inquit, *Asino vehetur Rex Messias ob tennitatem*
fortè vel paupertatem, quæsi egro deficiatur, siquidem res qualiscunq;
preti-

pretiosa & desiderabilis illius regno suberit; sed propter mansuetudinem & humilitatem suam, atq; ut ostendat, non amplius bellum in terrâ fore, hunc enim Regem Deo confisum verbis oris sui dispositurum pacem inter omnes Gentes, quippe qui dominaturus sit à mari usq; ad mare, prout in Psalmorum quovq; libro de eo prædictum est Psal. LXXII, 8. Quæ Judæorum interpretatio licet ex ipsorum intentione & scopo accepta non pauca habeat, quæ diligentius examen promereantur, si hoc nunc ageremus; meritò tamen ruborem poterat incutere Judaizanti Grotio ad Sorobabelem, qui Jerem. XXIII, 5. & Ezech. XXXVII, 22, 24. Rex appelletur, vaticinium hoc perperam post Theodorum Mopsvestanum, similiter olim Judaizantem & Ebionizantem, detorquenti in annot. ad V. T. fol. 634. 635. de quo vide sis Dn. D. Varenium in Colleg. Canon. Prophetar. Postbabil. p. 125. & inprimis Dn. D. Calovium in Anti-Grotianis jam DEI gratiâ in opus Biblicum omni encomio nostro majus feliciter succrescentibus, ad hunc Zachar. loc.

§. 5. Atq; hæc communis Rabbiorum est loci hujus de Messia expositio, quam eò minus deferere possunt, quo clarior est veterum Magistrorum circa illam consensus. Ac plura quidem illorum testimonia inferiùs datâ occasione producentur. Sufficiat hic unum alterumve attulisse. Inprimis verò dignus observatu locus est in Gemarâ. Gemarâ Babilon. Massech. Sanhedrin fol. XCIX. col. 1. ubi cum R. Hillel, (non celebris ille absq; Rabbini titulo *Hillel*, vel *הייל רוקן* *Hillel senex* dictus, sed alius quidam minoris autoritatis Rabbi, qui diu post destructionem urbis ac templi ultimam vixit) Messiam jam temporibus Ezechia exhibitum pronunciasset, quibus id omne putabat impletum esse, quicquid boni & prosperi Israelitis prædixissent Prophetæ, gravissimus se illi adversarius opponebat, R. Joseph tanti inter suos æstimatus, ut *סיני* *Sinai* diceretur *לפי* *eo quod constitutione Mischnicarum tam peritus esset, ut eas eo modo, quo in Sinai tradita erant, cognosceret*, test. R. Josua Hallevi in *Halichos olam portâ* l. c. 3. p. 23. Hic vanitatem asserti Hilleliani ostensurus hoc Zachariæ secundæ templi Prophetæ objiciebat vaticinium, quod Messiam adhuc venturum polliceri apud omnes in confesso & extra dubium statuebat. Audiamus ipsa Gemaræ verba: *הייל אומר אין להם משיח לישראל שכבר אכלוהו בימי חזקיה אמר רב יוסף שרא*

DE ASINO MESSIAE.

שרה ליה מריה לר' הילל חזקיה אימת הוה בבית
ראשון ואילו זכוריה קא מתנבי בבית שני ואומר גילי
מאד ברת ציון הריעי ברת ירושלם הנור מלכך יבנה
לך צדיק ונושע הוה עני ורוכב על חמור ועל עיר בן
אתנורת: R. Hillel ait: Non dabitur Israeli Messias, jam enim compo-
siti illo sunt vivente Ezechia. Ad quod R. Joseph: Condona, inquit,
ipsi Domine ejus, condona R. Hilleli. Ezechias quando vixit? Stante
templo primo. Atqui Zacharias vaticinatus est sub templo secundo, &
dixit: Exulta valde Filia Zion, clange Filia Ierosolyma; ecce enim Rex
tuus veniet tibi iustus & salute praeclatus, pauper & insidens asino & pullo
filio asinae. Conf. Beth Jisraël part. II. fol. CXCVII. col. 4. edit. Vero-
nens. Coccejus Excerpt. ex Gemar. p. 360. 361. Christ. Gerson in Che-
lec p. 130. quem ultimum utpote in Synagogâ Judaicâ educatum mi-
ror phrasin אכלהו reddidisse: devoravit illum, quod &
p. 127. fecerat, cum tamen fruendi & potiundi notionem habeat apud
Talmudicos, seu eruditè ostendit Coccejus in notis ad Excerpt. pag. 378.
cui omninò adde Eduard. Pocock. not. miscell. ad Portam Moysi cap.
VI. p. III. & 112. Ipsam verò Haggadam expositam vide in Caphtor
Vapharach Seder Nisik. Omt. XXXIV. fol. CXLIII. col. 2. item apud R.
Abarbanel in Rosch Amanah cap. XIV. quod Gylielmus Vorstius
notis suis p. 65. prolixè satis illustravit.

§. 6. Porro non minus memorabilis est illa inter Mosén Redem-
ptorem, quem vocant, primum, & inter Messiam Redemptorem al- & Rabbos,
tertium collatio, quam ad illud Cohel. I. 9. Quod fuit, est illud, quod erit,
latius persequuntur in antiquissimo illo Medrasch Coheleth part. II.
Rabbos, fol. LXXXV. col. 4. interq; alios comparationum fontes ve-
cturam Asini, quæ de utroq; in Scripturâ memoretur, sic concedunt
à Prophetâ Messiae prædictam: ר' ברכיה אמר בשם רבי יצחק
כגואל ראשון כן גואל אחרון מר' גואל ראשון נאמר
ויקח משוה את אשתו ואת בנו וירכיבם על החמור כך
גואל אחרון שנאמר עני ורוכב על חמור: Dixit R. Ben-
chia nomine R. Isaaci: Sicuti fuit Redemptor primus, ita erit Redemptor
ultimus. Quid fecit primus Redemptor? dictum est de eo Exod. IV, 20.
ET TULIT MOSES UXOREM SUAM ET FILIOS SUOS, ET SEDERE
ILLOS FECIT SUPER ASINUM. Idem & de Redemptore secundo dictum
est Zach. IX, 9. PAUPER ERIT ET INSIDENS ASINO. Aliud prætercâ

B

testi-

testimonium Veterum Hebræorū Raymundus *part. III. Pug. fid. dist. III. c. XVI. fol. 656.* & ex eo Galatinus *lib. IX. de Arc. Cath. Verit. c. IX. fol. 326.* proferunt ex Bereschit Rabba ad illud *Gen. XLIX, 11. ligans ad vitem pullum suum*, quod sic habet: *לְהוֹשִׁיעַ יִשְׂרָאֵל הוּא אֲסָר חֲמורוֹ וְיִרְכַּב עָלָיו וְיִבְנֶה לְיִרְשָׁלָּיִם שִׁינְהוּג עֲצָמוֹ כַּעֲנִיָּה שֶׁנֶּאֱמַר עָנִי וְיִרְכַּב עָלָיו חֲמורוֹ* Cum venerit Rex Messias ad Jerusalem ad salvandum Israel, ipse erit ligans (cingulans) Asinum suum & equitabit super eum, & veniet ad Jerusalem, ut semetipsum ducat in paupertate & humilitate, sicut dictum est Zach. IX, 9. *Pauper & insidens Asino*, &c. Sed ut diligentissime totam Parascham וְיִרְכַּב יַעֲקֹב in Rabbos perlegerimus, ista tamen, fatemur, offendere ibi non licuit, nec immerito dubitamus, annon alia planè illa Geneseos expositio sit à Raymundo & Galatino R. Mosi Haddarschan adscripta ab eâ, quam possidemus, quæq; Buxtorfio in *Biblioth. Rab. p. 326.* laudata communiter titulo Bereschith Rabba venire solet, quâ de re alibi dicendum fuerit. Interim dum hanc magnam glossam Rabba bar Nachmoni revolvimus, duo alia loca se nobis offerunt, unus *fol. CX. col. 3.* alter *fol. CXIII. col. 2.* quorum uterq; ad illa Geneseos verba, quibus Schilo, quem Messiam esse ibi concesserant, suum asinum ad vitem ligare dicitur, disertim asserit: *וְיִבְנֶה שְׂכֵנוֹ כֹּה עָנִי וְיִרְכַּב עָלָיו חֲמורוֹ וְגוֹמ'* Hic ille est, de quo dicitur Zachariæ IX, 9. *Pauper & vestitus asino &c.*

§. 7. Ab hac Patrum suorum sententiâ non recedit R. Lipmanus, cuius tamen vel hinc libidinem calumniandi, & malitiam colligamus, in eo se exerentem, quando Christianis non primum modò interpretationis de Messia inventum, sed infrunitam quoq; argumentandi rationem veteratoriè tribuit, quasi ab Asini dorso, quod nigra figuram crucis refert, arguant de Christo crucifixo vaticinium intelligendum esse, quam ejus cavillationem legere est in virulento libro Nizzachon, cujus editionem Hackspanio, debemus num. *CLXII. p. 143.* הַנּוֹצֵרִי וְסִמְכוֹ הַנּוֹצֵרִי מִפְּרִשִׁים אֵת זֶה עָלֵינוּ לְדַבְּרוֹתָם שֶׁל כְּתוּבַת הַחֲמור נִרְאִית כְּשֶׁנִּי וְעָרֵב: Christiani, inquit, *textum hunc de Jesu Nazareno exponunt, & suam sententiam hinc probant, quod in scapulis asini quodammodo Crux appareat.* Inaudivit fortè aliquid Sycophanta de piis Patrum meditationibus, in quibus Crucem Dominicam sibi ubiq; quasi præsentem, & non minus

minus mundo, cœlo, homini, quàm aliis creaturis, animalibus, arboribus, plantis, floribus impressam ob oculos statuebant, ne passionis adeò salutaris in Cruce peractæ memoria oblitteretur, cuiusmodi loca aliquot ad Prudentii Romanum Georg. Fabricius in *Exposit. Prudent. p. 393. edit. Weizii*; plura ad Minucii Felicis Octavianum Geverhart. Elmenhorstius in *Comment. fol. 50.* annotarunt, imò Jacobus Bosius *integrum librum II. de Cruce triumphante & gloriosa à fol. 127. ad 173.* conquisitis undecunq; ad hanc materiam illustrandam Patrum dictis replevit, qui licet & in *lib. III.* omnes Crucis figuras quæ Veteris & Novi Testamenti sacris paginis contineantur, & in *IVto* Prophetias, vaticinia & Oracula, quibus crux illa in scripturis prænuntiata sit à Prophetis, unà cum Patrum declarationibus curiose admodum congeserit, nullibi tamen scapularum asini vel minimam invenias mentionem, ut aut confinxerit commentusq; sit ipse tale quid occasione piarum meditationum, quas super aliis fortè figuris audiverat, aut si omnino aliquis Jesum dixisset ad Crucem suam asino vectum, in ipsis scapulis asini, cui insidebat, signum vidisse, & memoriale contumeliosæ mortis, quam in Cruce subiturus erat, cuiusmodi figuras non diffitemur aliquando, pro concione præsertim, allegoriarum architectos sectari; noverit tamen, nosse certè debuerit, ridiculus ante victoriam triumphator, neminem Christianorum unquam à dorso Asini ad sensum & significationem vaticinii Zachariani argumentum duxisse, cuius adeò illusione, ac refutatione, quam operose moliebatur, superfedere poterat, nec opus habebat ironiâ, quam post debellatum hoc argumentum addit *p. 144.* גנאי גדול להם שיבואו ראיות מן יצירת הכריות שהיו כל אדם המונח על פניו ופושט רגליו נראה שתי: *Magna ipsi ignominia est, quòd argumentum petunt à figurâ creatorum. Ecce enim quivis homo incumbens faciei & extendens pedes suos crucem representat post ipsum consistenti.*

s. 8. Idem Lipmannus ibidem alia congescit, quibus nostram Vaticinii de Messia interpretationem infirmari, ac nosmetipsos egregie stringi gloriatur. Provocat (1) ad *אנא ודאן* textus, in quo talia de subiecto Vaticinii prædicuntur, quæ Jesu nostro nullo modo conveniant: אין לפרוש הפסוק על הנצרי כי הפרשה מסיימרת: ונכרתה קשת מלחמה ומושל מים ועד ים מנהר עד אפסי

Ejusdem
argumenta
contra
Christia-
nos.

אפסי ארץ והלא אחר ביאת הנצרי נשאר קשת מלחמה
 כבראשונה ועוד שגם אמונת הנצרי וממשלתו אינה
 : *Non potest, inquit, textus hic de Jesu Nazareno ex-*
poni, quia sectio desinit in hac verba: ET SUCCIDETUR ARCUS BEL-
LI, ET DOMINIUM EJUS ERIT A MARI AD MARE, ET A FLUVIO
AD FINES TERRÆ. Numquid verò non post adventum Nazareni
relictus est arcus belli, perinde ut prius erat? Præterea nec fides Nazareni
atq; dominium ejus in omnem mundum extenditur. Ducere laborat
 (2) ad absurdum cum nostrâ ignominia conjunctum: ועוד גנאי:
 : *Porro & illud ignominiosum illis*
 (Christianis) est, quod Deum suum, (quem dicunt Jesum esse,) *vocant*
pauperem. Tandem opponit (3) veram, quam putat, expositio-
nem, quæ simul cum nostrâ consistere nequeat: הלא פירשתי:
 : *Ammon jam supra numero CCLX. (lege רסא i.e. CCLXI.) exposui*
 : *quod contra potius Zacharias de salute & redemptione Israelis vaticina-*
 : *ישועת ישראל והגאולה*
 : *is? Dies Messias sit? Vocaverat autem ibi, quod hic והגאולה*
 : *quid Judæ- salutem Israelis & redemptionem nominat, ימות המשיח,*
 : *is? qvo nomine illud tempus insigniunt, qvo subjugatis gentibus & re-*
 : *stituto Israelitis Dominio regnaturus est in his terris Messias, defini-*
 : *ente R. Mose Maimonide part. 1. Jad chasak. Hilc. Tschubba c. IIX.*
 : *n. VII. fol. XLIX. fac. 2. qvi cap. seq. IX. num. II. fol. L. fac. 1. addit:*
 : *שימורת המשיח הוה העולם הזה ועולם כמנהגו הולך*
 : *אלה שהמלכות תחזור לישראל וכבר אמרו חכמים*
 : *הראשונים אין בין העולם הזה לימורת המשיח אלא שיעבור*
 : *מלכות בלבר: Pertinere quidem hos dies Messia ad hunc mundum,*
 : *mundumq; tunc ad eundem modum gubernandum, sed regnum tamen*
 : *Israelitis restitutum iri; prout jam pridem dixerint Sapientes Veteres:*
 : *Nulla est differentia inter hunc mundum & dies Messie, nisi in hoc solo,*
 : *quod regna subjugabuntur. Videatur ipse Maimonidis textus, ubi*
 : *plura de diebus Messia, & conferantur R. David Kimchi ad Ef. I, 26.*
 : *ac R. Gedalia ben Jechaja in schalscheleth bakkabala p. XXCVI. col. 1.*
 : *item Pocockius not. miscell. ad Port. Mosisc. VI. p. 104. 110. seq. Buxtor-*
 : *fius Synag. Judaic. à Fil. aucta c. L. p. 717. seqq. Altling. lib. IV. Schilo*
 : *c. XVI. p. 276. seqq. Quæ quidem omnia sic comparata sunt, ut facile*
 : *à quovis dilui, inq; ipsum retorqveri Autorem possint; nos tamen*
 : *iis The-*

his Theologis hanc provinciam tradimus, qui controversias & vindicias tractant. Nobis quippe in praesenti Judaicas illas officinas saltem prodidisse, & Hebraeorum mentem exposuisse sufficit.

§. 9. Mens quidem Veterum, qui ante Christi tempora vixerunt, & quorum vestigia in Talmude, & Rabbos observare licet, sine dubio fuit orthodoxa; sed posterorum, ex quo hunc lapidem angularem rejecerunt, cum per auctoritatem Majorum suorum ab ipsa interpretatione recedere non audeant, sic illam accipiunt, quasi implendum adhuc vaticinium velit, & de Messia id dicunt loqui, non quem nos veneramus exhibitum, illi verò contemptum *הנצרי* *Nazarenum* appellant, sed Chimæricum, & quem adhuc futurum praestolantur frustra. Quā in parte Lipmannus cum memoratis superius Rabbinis, Salomone, Kimchio, Abarbanele & aliis, multò est astutior alterius Nizzachon auctore, quicumque sit: nam plures ut hujus nominis libros, sic Auctores eorum dari, Hackspanius in *prafat. de suo Lipmanno p. 217.* docebit, & possidemus nos quoque ipsi tale MSCR. nobis olim ex Synagoga Hanovienſi vindicatum, recentioris, ut videtur, Rabbini, quod ad prolixitatem tum Hackspaniani Codicis, cujus tria alia MSCR. Dn. D. Wagenſeilius obtinuit, emendationem inde Hackspaniani pollicitus, tum Fagiani in Academiae Argentoratensis Bibliothecae publico studioforum usui etiamnum intervenientis, non affurgit quidem, vices tamen compendii Theologiae Judaeorum Polemicæ, qualem nondum prodidisse recordamur, supplere potest, eoque nomine non inutilem aliquando, si DEUS voluerit & vixerimus, exercitiis nostris materiam suggeret. Cæterum exemplar hic intelligimus Munsteri, cujus solum allegatis in Notis ejus ad Vet. Test. & Evangelium Matthæi Hebraicum conspicuis, contentos esse oportet, quibus & hanc Judæi sententiam acceptam referimus ex *Not. ad Matth. Hebr. p. 301.* Hic igitur Deitatem CHRISTI nostri impugnaturus ab hac Asini vecturâ temulentius, nec ad Prophetarum dicta, nec Veterum effata attendens, argumentum petit: *אם משיחכם אלהים למה רכב על בהמה טמאה והלא צוה כשנתן התורה לישראל גם הצאן והבקר אל ירעו מור החרה הוזה מה אפילו בהמה טהורה נזה שלם ירעו מור החר קל בהמה טמאה וכאן הוזה רכב בעצמו על בהמה טמאה: Si Christus vester Deus est, inquit, quare vectus est Asino, ani-*

Interpretatio de Messia à recentioribus auctoribus quàm à Veteribus accipitur.

Libri Nizzachon plures & varii.

Munsteriani Nizzachon argumenta.

mali immundo? Annon verò interdixit Deus, cum legem daret Israeli, ne vel pecus vel armentum pasceret è regione montis illius (in quo Deus apparebat? Exod. XXXIV, 3.) Quod si etiam mundum animal arcuit, ne è regione montis pasceret, quanto magis animal immundum? Atq; hic (Christus vester) ipsemet veltus est animali immundo!

S. 10. Transigat verò prius cum Doctoribus suis infrunitus Andabata, quàm CHRISTO nostro vecturam Asini impropere, & suum prius Messiam, quem Asino advehendum hoc Zachariæ vaticinio nixi concedunt, ab indecorâ minusque convenienti animalis immundi admissione liberet, quicquid aliàs de eo sit, quòd ipsi Deitatem, derogant, de quâ tamen legi merentur adversum Judæos disputantes Raymundus *part. III. Pug. fid. c. II. seq. fol. 508. seq.* Galatinus *lib. III. de Arc. Cath. Ver. c. VII. seqq. fol. 85. seqq.* Weidnerus *Loc. fid. Christ. tract. I. p. 103. seqq.* Müllerus *lib. 1. Judaism. c. XII. p. 546. seq.* Hornbeck *lib. 5. de convincend. Judeis cap. I. p. 359. seqq.* L'Empereur *Annot.*

Privata
Glossæ Tal-
mudicæ ex-
positio di-
cti Zacha-
riani, de ad-
ventu Mes-
sias retar-
dato.

*ad R. Jachiad, p. 247. 248. Helvicus System. Controvers. cum Judeis E-
lench. II. toto & alii. Neque enim suam ille sententiam fecerit, quâ
vecturam asini à Zachariâ prædictam de lento & retardato Messie
adventu interpretatur Glossa Talmudica margini Gemaræ Massébet
Sanhedrin fol. XCIX. col. 1. adscripta, & à R. Jacob Aben Chabib in
Beth Israel part. II. fol. CXCVI. col. 4. repetita, quasi verba hæc
עני ורוכב על חמור Pauper & insidens asino, non aliud sibi velint,
quam adventurum Messiam כעני הבא על חמור בעצלות
instar pauperis super asino suo lentè & serò venientis: ferè ut Calvinus
Comm. in Zachar. b. l. hunc esse genuinum sensum scribit, si figurato
sermone innui dicamus, Christum fore obscurum hominem; quem ta-
men simul cum Pareo, propugnatore suo debellatum vide à B. Æ-
gid. Hunnio in Anti-Pareo altero p. 457. Privata est hæc opinio nun-
quam inter Judæos publicè recepta, nec fortè Judæo illi ita cognita;
sed neque ullum, qui istam saltè attigerit, præter hanc glossam,
videre fuit hucusque sive inter Talmudicos, sive Commentatores, no-
tæ alicujus & fidei apud suos Autorem, quales Judæus quidam, Jaco-
bus Romanus, Pocockio in not. Miscell. ad Port. Mos. p. 90. à doctrinâ &
ingenuitate laudatus, eidem cavit debere sequi, si quid ut à Judæis
dictum aut assertum referre vellet, ut aded, quod de Doctoribus
Mischnicis dissentientem aliquem inter se habentibus observandum
monet*

Votum R.
Josephi in
umbrâ fimi
asini Messia
sedere cu-
pientis.

Baal hat-
turim.

Concilia-
tio Zach.
IX, 9. cum
Dan. VII, 12.

Subjectum
Vaticinii
Danielis
Messias,
juxta ple-
rosq; Rab.
& nomina-
tim Abar-
banelem.

16

PHILOLOGEMA SACRUM

tiunt, quorum nomina videas apud Dominum D. Gejerum, verum totius loci sensū accuratè, ut solet, enucleantē in *Praelect. Acad. ad h. l. p. 550. seqq.* Addimus nos R. Abarbanelē ibi non commemoratū, qui in *Majene hajesehuah* fonte IIX. palmā IX. f. XCIX. col. 4. cum sibi in verbis textūs sex ordine partes proposuisset explicandas, quid sit, cum nubibus Caeli? quid illud: *quasi filius hominis veniebat* &c. hanc suam וראוי לפרש ע"ל מר"י יורו כ"ל אחר sic orditur; ואמר שמאשר זכר הנביא ראשונה חרבן רומי ואחריו זכר גאולת ישראל ותשועתו למדנו בלי ספק שכן יהיה בעתיד שראשונה תחרב רומי ואחריו כן יתגלה מלך המשיח; Atq; ita visum est interpretari, de quo unaquæq; earum rerum doceat juxta analogiam. Dico igitur, nos ex eo, quod Propheta prius vastationis Romæ, postea redemptionis Israelis & Salutis ejus meminit, discere sine omni dubio, quod sic olim futurum sit, nempe primum vastatum iri Romam, ac postea sese revelaturum esse Regem Messiam. Id quod deinde similiter loco quodam ex capitulis R. Eliezaris deprompto confirmat. Et cum secundam propositionis suæ partem absolvisset, ad vulgarem Interpretum expositionem provocat fol. L. col. 1. והמפרשים פירשו ככר אנש ע"ל מלך המשיח כאילו הנה איש אחד שיבא לרין לבקש על עמו; Interpretes, inquit, aliàs hæc verba: *QVASI FILIUS HOMINIS*, de Rege Messia exponunt, quasi esset vir quidam, qui venturus sit ad judicium, ut quærat de populo suo. Ipsa Abarbanelis sententia, & rationes, quibus eam propugnat, nihil ad præsentem Andromachen. Legat, qui potest, in Autore ipso. Hoc saltem ostendendum erat, loqui Prophetam, ex ipsius & cæterorum Judæorum opinione, de גאולת ישראל Redemptione & salute Israelis, h. e. ut explicant, de diebus Messia, de quibus Zachariam quoq; loquutum fuisse dixerant. Alter igitur, quia super Asino pauperem, alter vero gloriosum cum cæli nubibus adventurum nunciavit, haud parum defudant, quâ ratione hic cum illo conciliandus? ut perquam appositè huc quadret, quod R. Abraham Seba in *Zeror hammor* fol. LXXVI. col. 4. Capitis XIX. Exodi versum IX. cum præcedente IIX. conciliaturus præmittebat: הנה כל המפרשים נבוכו כזה ופירשו כפרהם; כן פירשו שונים אין חמור נושא; Ecce Interpretes adeò perplexi sunt circa hoc, & fingunt sibi de eo interpretationes adeò varias, ut *ASINUS* non sit ferendis eorum libris sufficiens.

S. 12.

§. 12. Recepta ferè est illa conciliandi ratio, quæ in Gemara Babilonica *Massech. Sanhedrin fol. XCII. col. 1.* & inde in Beth Israel *part. II. fol. CXCVI. col. 4.* atque in Jalkut *part. II. numer. DLXXVI. f. LXXXVI. col. 1.* traditur: אמר רבי אלכסנדר רבי יהושע בן לוי: רמי כתיב וארו עם ענני שמיא כבר אינש אתי וכתיב עני ורוכב על חמור זכו עם ענני שמיא לא זכו עני ורוכב על חמור: *Dixit R. Alexander, R. Josuam ben Levi commississe inter se hæc duo loca Dan. VII, 13. Ecce in nubibus cæli velut filius hominis veniet: Et Zach: IX, 9. veniet pauper & vinctus asino.* Sic autem conciliavit: *si digni fuerint Judæi, veniet in nubibus Cæli; Sin indigni, veniet pauper & vinctus asino.* Idem ex Bereschith Rabba Raymundus loco supra §. 6. citato adducit: cum enim ibi, ut vidimus, hæc Zachariæ verba pro confirmanda Messia paupertate vel humilitate, Judæus produxisset, fingit sibi ex Daniele objectionem: והלא כבר נאמר על המשיח: *Annon verò, inquit, pridem dictum est, de Messia Dan. VII, 13. Ecce cum nubibus Cæli quasi filius hominis veniens?* & respondet: זכו ישראל עם ענני שמיא לא זכו עני ורוכב על חמור *Si digni fuerint, aut meruerint Israelitæ, veniet cum nubibus Cæli. Si non meruerint, pauper & infidens asino.* Quod ubi consimiliter Hackspanius *part. II. Notar. Philol. in diffic. script. loca. p. 867.* recensuisset, Sic, inquit, dignitas Messia à dignitate Judæorum dependet, qui eam Regi suo acceptam ferre debebant. Imò, inquam, ego, quia passim fatentur, הקיצים שכלו כל הקיצים, *completos esse omnes terminos, rationem sic reddant dilati Messia sui adventus super asino, qualem indignitas ipsorum & impœnitentia admittit.* Nota est vetus Judæorum cantilena in *Sanhedrin f. XCVII. col. 2.* completos quidem & elapsos esse terminos, ואין הרבר תלוי אלא, *sed rem non nisi à penitentia & bonis operibus pendere: quam nostro tempore Menasse ben Israel lib. III. de Resurr. Mort. c. III. p. 268. recinuit: Profecto verissimum est, si Israelitæ seriò factorum suorum penitentiam egissent, Messia adventus non fuisset procrastinatus; at nunc quia profunde immersi jacent hærentque defixi in vitiis & peccatis suis, hinc est, quòd differatur beatitudo illa usq; ad finem dierum.* Unde R. Mechir in *Abbkath Rochel* (quem librum & manuscriptum, & Arimini impressum possidemus.) *I. part. II. f. IV. col. 3, editionis Ariminensis, ubi hanc materiam ex instituto persequitur,*

Prima conciliandi ratio à dignitate vel indignitate Judæorum.

maturandum ejus adventum promittit, ut primum respiciantur :
 אִם מַעֲמָם יֵעָשׂוּ תְּשׁוּבָה תָּבֵא לָהֶם הַגָּאֻלָּה בְּשָׁלוֹם
 וּבְנֶחֱת וְיֵלֶךְ מֶלֶךְ הַמָּשִׁיחַ בִּירוּשָׁלַם וְיִתְקַבְּצוּ אֵלָיו הַגָּלוּת
 בְּשִׂמְחָה שְׂנֵאֵמֶר בִּישְׁעָהּ וְהָבִיאוּ אֶת אֲחֵיהֶם מִכָּל הַגּוֹיִם
 מִנַּחָה לָהֶם בְּצִבּוֹר וּבְכִרְכּוֹרֹת וְגו' וְכָתִיב כִּי בְּשִׂמְחָה
 תֵּצֵאוּ וּבְשָׁלוֹם תִּכְבְּלוּן *Si sua sponte (Israelitæ) egerint Penitentiam, ve-*
niet eis redemptio in pace & tranquillitate, ingrediturq; Rex Messias Jeroso-
lymam & congregabuntur ad ipsum in exilium missi cum gaudio: Sicuti di-
ctum est, apud Esaiam cap. LXVI, 20. Et adducent fratres vestros ex
omnibus gentibus donum Domino, in læticiis, & mulis, & veredariis. Atq;
iterum c. LV, 12. Quia in lætitia egrediemini & in pace deducamini.
Conferantur Hultius l. 1. Theol. Judaic. part. II p. 235. Hornbeck l. II. de
convincend. Jud. c. 1 p. 194. seqq. Altling. lib. IV. Schilo c. XI. p. 252. Coc-
cejus Consider. Responson. Judaic. c. XV. p. 222. 223. Müllerus lib. 1. Ju-
daism. c. XVI. p. 498. Helvicus Epelench. Judaic. Disp. 1. Except. 1. genera-
li. Enimverò aut absolute de quolibet & quacunqve Messia ad-
 ventu hoc intelligunt, aut limitatè de glorioso tantum: Si absolute,
 irrita est tota illa utramqve prophetiam conciliandi ratio, cum pau-
 pertinum super asino adventum æque ac gloriosum cum cæli nubi-
 bus impediatur eadem ipsorum indignitas & impoenitentia; Sin limi-
 tatè, quare igitur indignis & immerentibus non venit asino vectus,
 postquam omnes termini adventui ejus destinati elapsi sunt? Nihil
 ad hoc respondere poterunt, nisi fortè à textûs literâ recedant, & va-
 tici-nium Danie'is de maturato acceleratoq; Zachariæ autem de len-
 to & retardato adventu, glossam sequuti Talmudicam interpretetur,
 quasi עִנְנֵי שָׁמַיִם עִם cum nubibus Cæli venire idem sit, ac
 במהרה festinè, qualis solet esse repentinus fulguris per nubes trans-
 itus; at על חמור super asino, idem quod בעצלות lentè & serò, qua-
 liter venire solet, qui asino lentè festinanti vehitur: quam tamen παρ-
 εστηνείαν suam non fecisse Judæos, supra §. 10. ostendimus.

§. 13. Nonnulli duos, quos fingunt, Messias, alterum מְשִׁיחַ בֶּן יוֹסֵף
 Messiam filium Josephi, interdum & אֶפְרַיִם בֶּן מְשִׁיחַ filium
 Ephraim dictum, alterum מְשִׁיחַ בֶּן דָּוִד Messiam filium Davidis, in
 subsidium vocant, quorum illi tribuunt, quicquid in scripturâ humile
 & abjectum de Messia prædicatur; huic contra quodcunque sublime
 &

Secunda
 conciliandi
 ratio à du-
 plici Mes-
 sia, ben-
 David &
 ben-Joseph.

& gloriosum. Illum, inquit, redemptionis & liberationis opus incepturum quidem, at non perfecturum, triumphos quidem aliquot acturum, Romanum Imperium subjugaturum, partemque Judæorum in terram sanctam reduci, sed in bellis tandem, quæ cum Gogo & Armillo geret, succubiturum & trucidandum: Hunc verò postea successorum in locum illius, & ceptam perfecturum liberationem, bella contra Gogum & Armillum finiturum, & totum denique mundum subjugaturum esse. Unde R. Salomo Jarchi *ad Jesa. XXIV, 18. fol. CDLXXII. col. 2.* totalem internecionem gentibus minari cupiens: הנמלט מחרב משיח בן יוסף יפול אל חרב משיח: *Quicunque inquit, evaserit gladio Messie filii Joseph, incidet in gladium Messie filii Davidis; & qui hinc evaserit, capietur illaqueatus in bello Gogi.* Ad quos duos Messias duo illa sponsæ ubera in Cantico Canticorum laudata accommodat Joseph Luscus *in Targum Cantic. IV, 5.* תרין פריקין דעתידין למפרקין משיח בר דוד ומשיח בר אפרים: *Duo liberatores tui, qui te sunt liberaturi, Messias filius Davidis & Messias filius Ephraim.* De utroque turmatim Autores agunt, ac poterit, qui plura volet, adire post Talmud. *Masech. Succa cap. V. fol. LII. col. 1.* ex Hebræis R. Abarbanelem *in Majene Hajeschuah. fonte IIX. palm. VI. f. XLV. col. 3.* & *in Comm. ad Esa. LIII. fol. LXXIIX. col. 4.* *in Comm. ad Ezech. XXXII. fol. CXCIIX. col. 4.* & *ad Hof. II. f. CCXXVI. col. 4.* (ubi quoque *ad Vatic. VI. lib. sui Maschmia Jeschuah* provocat,) & *ad Zach. XII. fol. CCXCIV. col. 1. 2.* R. Saadiah Gaon *in Sepher Emunoth orat. IIX. fol. CCCLXXX. col. 4.* R. Mechir *lib. 1. Abbat rochel part. 1. sign. VI. Jaikut part. II. num. DCXXI. fol. XC. col. 2.* & *Jaikut chadasch in voce משיח fol. CXLI. seqq.* (ubi varia videre est excerpta ex libris Rabbinicis.) Manassen ben Israel *in Mikvé Jisrael p. 78. seqq.* E Christianis Raymund *part. II. Pug. Fid. c. XI. fol. 329. seqq.* Galatinum *lib. IV. cap. II. fol. 132. seqq.* Christianum Gerson *lib. 1. Summa Talmudica. c. 15. p. 87. seqq.* Buxtorf. *Synagog. Jud. c. 36. p. 439.* & *in edit. à filio aucta, c. L. p. 717.* & *in lexico Talmud. fol. 1273.* Hulsium *part. 1. Theol. Judaic. p. 37. seqq.* Hoornbeck. *lib. III. de convincend Jud. c. 1. pag. 239. seqq.* Coccejum *Considerat. Respons. Jud. c. 5. p. 126. 127.* Altling. *lib. III. Schilo c. XVI. p. 202. seqq.* Helvicum *append. IV. Elench. Judaic. §. 7. seqq.* Müll. *um lib. 1. Judaism. c. XXIII. toto. p. 948. seqq.* Graferum

in verbis ultimis p. 258. Hottinger, *Compend. Theol. Jud. c. IV. sect. 15. p. 262.* Haksanium *cap. II. de script. Rabbin. num. LXXIV. p. 344.* Constant. L' Empereur *dissert. ad Lectorem Clavi Talmudicae praemissa, & in refut. R. Abarbanel & R. Alschech ad Esa. LIII. p. 21, 52. seqq.* Jos. de Voysin *not. ad cap. XVI. Disp. Cabalist. R. Israel ben Moses de anima p. 459. seqq.* Vorstium *animadvers. in Pirke Elies. p. 175. seqq.* Ligstotum *Hor. Hebr. in Matth. p. 3. &c.* Illi igitur Messiam primum, ex Josephi posteris in lineâ Ephraimi oriundum, *asino*, sed alterum, filium Davidis, utpote gloriosorem, cum *Caeli nubibus* adventurum dicunt. Quantum verò huic conciliationi sit tribuendum, ipsum ejus fundamentum, cui innititur, figmentum nempè de duplici Messia à plebisq; Christianorum Autorum jam memoratorum subrutum, satis arguit.

Quæ modernis Judæis non intellecta, priscis eadem fuit eum

§. 14. Sunt tamen & inter Christianos, qui saniori sensu hæc ita ab antiquioribus Hebræis judicant conficta, nō quasi duos reverā Messias, personas putā distinctas, dispari gaudentes fortunā, aut aliis atqve aliis parentibus prognatos, obtrudere voluissent; sed ut duplicem unius Messiae adventum, ad passionem scilicet & ad judicium, aut duplicem unius statum, exinanitionis & exaltationis, allegoricè notarent: quorum sententiam prolixè refert Matthias Flacius *part. II. Clav. tr. IV. fol. 407. seqq.* non improbatam Hackspanio *c. II. de script. Rabb. ad Lipmann. n. LXXXV. p. 352.* cujus discipulus Sebalus Snellius apertè tuetur in *Exam. Comm. R. Abarbanel. super Obad. th. 161. p. 124.* Nec certè negari potest, multa Veteres parabolis, fabulis & tropicis hujusmodi loquutionibus involvisse, quibus postea literaliter acceptis ipsorum posterius *בן יין חומץ* *acerum vini proles*, ad incrustanda impietatis sua dogmata liberaliter abutuntur. Atque hoc ut nobis quoq; patiamur persvaderi, faciunt illa, Veterum, præsertim, loca, in quibus Zachariam disertè ajunt de Messia filio Davidis loqui, qualis è Pirke R. Eliezeris (unde paulò post plura depromemus) adducitur in *Jalkut ad Parafch Vajempart. I. n. XCIIIX. fol. XXIIIX. Col. 2 & ad b. l. Zachar. part. II. n. DLXXV. f. LXXXVI. col. 1.* *הוא החמור שעתיד בן דוד לרכוב עליו* *hic ille asinus est, super quo futurum, ut FILIUS DAVIDIS vehatur.* Vides Messiam *בן דוד* *filium Davidis* in asino sessorem! Veterum ergò mens purior recentiorum interpretatione, Zachariam de primo Messiae adventu super pau-

Tertiā, à duplici Messiae statu,

paupertino asino, Daniele verò aut de ultimo ad iudicium cum Gloria & Majestate futuro, aut quod cum Danielis contextu magis congruit, de adventu ascensionis, seu glorioso ejus in regnum suum ingressu, voluit accipi, quam citiores in mera deliramenta converterunt. Unus fortè R. Sahadia Gaon *Comm: in Daniel. VII; 14. fol. CDXC. col. 2.* rem tetigisse videtur, modò mens ejus eadem fuisset, quam verba hæc præse ferunt: וארו עם ענני שמיא כבר אינש אתי זחן משיח צדקנו והלא כתוב על משיח עני ורוכב על חמור אלא יבוא בענוה כי לא יבוא על סוסים כנאות ואשר כתב עם ענני שמיא והנה עם ענני השמים הם מלאכי צבא השמים זו היא רוב הגדולה שיתן הכורא למשיח מכתוב עם ענני שמיא אז הוא גורל בממשר: *Qui hic dicitur venire sicut filius hominis cum nubibus Cæli, is est Messias Justitia nostra. Annon vero de Messia scriptum est Zach. IX, 9. Pauper & equitans super asino? Imò verò veniet utique in humilitate, siquidem non venturus est super equis cum fastu; Quod verò Daniel scribit, venturum cum nubibus Cæli, per hoc intelligendi sunt Angeli exercitus Cæli. Hæc nempe summa erit Majestas, quam conferet Creator Messia, sicut scriptum est: CUM NUBIBUS COELI, h. e. tunc erit maximus in imperio.*

§. 15. Sic itaque Judæi vecturam asini nec indecoram Messia suo, nec per alium ejusdem gloriosum, à Daniele prædictum, cum Cæli nubibus adventum tolli animadvertunt: quare illos circa ipsum asinum, quis ac qualis sit, sollicitos videas. Traducebatur aliquando à Sapore, Persarum Rege, cujus in Hebræorum libris frequens occurrit mentio R. Samuel tanti inter suos, quanti ipse Sapor inter gentiles æstimatus, quòd Judæi Messiam Regem suum super asino, vecturâ Regi parùm conveniente adventum expectent: אמר ליה שבור מלכא אמרתו משיח על חמור אתי אישרר ליה ברקא דאית ליה *Dicebat ei Rex Sapor: Dicitis, Messiam super asino venturum, mittam illi equum celerem & generosissimum, quem habeo, uti legitur in Gemara Babil. Mass. Sanhedr fol. XCIIIX. col. 1. Beth Israel part II. fol. CXCVI. col. 4. Jalkut part. II. num. DLXXVI. fol. LXXXVI. col. 1. vel ut Julius Conradus Otto lib. III. Gali Razia c. IV. liberius paulò transtulit? Num affirmare audes, Messiam tam vili apparatâ, videlicet insidentem asino venturum? quod sanè ejus Majestati*

Saporis
Regis Per-
sarum iro-
nia de Mes-
sia Asino
insidente.

adversatur. Ego ipsemet egregiè comtum & phaleratam equum mittam, ne omnibus adventu tam tenui opprobrio & dedecorifit. Cui Persarum Regi fortè non illepide ipsa Persarum vox reddi potuisset, quæ in Rosario Persico Masladini Sadi cap. II. pag. 89. editionis & versionis Dn. Georgii Gentii (ex cujus liberalitate illam possidemus) habetur:

O sodalis, multi celeres extinguuntur equi:

Claudicans verò asinus hospitium salvus contingit.

Aut etiam illud asini encomium, quo illum Persæ leoni ipsi præferunt *ibid. c. 1. p. 55.* facietè dicentes: *Omnium animalium Princeps est Leo, infimus est asinus; nihilominus concordi prudentium sententiâ, asinus, qui onera bajulat, Leoni homines dilaceranti præstat.*

Miser asinus etsi quidem rudis,

Propter tamen sarcinas, quas bajulat, certè venerandus.

Sed regerebat tunc Rabbi præstantiam & raritatem asini Messia, quâ optimum quemlibet & generosissimum Regis equum vinceret. Ita nempe Judæi haud leviter laudare solent hunc asinum, factum quæ in eo non proletarium somniant. Aded mentiri mores suos non possunt.

Messia Asinus rudis, ut cæteri.

§. 16. Naturam quidem ejus & ruditatem asinis propriam, inficiari non audent, & quod apud Persas in Proverbium abiit: *Asinus Jesu licet Meccam eat, cum eò venerit, etiam Asinus erit,* (uti est in *Proverb. Persic. p. 10.*) de sui quoque Messia asino concedunt, quippe cui stupiditatem tribuunt ab Abrahamo Patriarchâ exprobratam. Nam cum hunc asinum Messia, ceu postea dicitur, eundem faciunt cum eo, quo Abrahamus filium immolaturus ad montem Moria proficiscebatur, rationem simul, quare is Ismaëlem & Elieferem, quos comites dicunt Abrahami, ad radices montis cum asino reliquerit, asininam reddunt stupiditatem, quæ huic illos asino æquavit. Fabula recensetur in Pirke R. Elieferis c. XXXI. fol. XXI col. 2. edit. Pragens. ex parte repetita in Jalkut Torah part. I. numer. XCIX. fol. XXIX. col. 3. & sic integra sonat: כיון שהגיעו לצופים ראיה כבוד השכינה עמד ערל גבי החר שנאמר ביום השלישי וישא אברהם את עיניו וירא ארץ המקום מרחוק מה ראה ראה עמוד של אש מן הארץ עד לשמים אמר ליצחק בן בני רואה אתה כלום באחר מן ההרים הללו אמר לוהן, אמר לו מה אתה

אתה רואה אמר לו אני רואה עמוד של אש עומד מן הארץ
 ער לשמים והבין אברהם כי נרצה הנער לעולה אמר לישמעאל
 ולאליעזר רואים אתם כלום באחד מן ההרים הללו
 אמרו לו לאו חשב אותם כחמור ואמר להם שבן לכם פרו
 עם החמור אמר להם כשם שאין החמור רואה כלום כך אתם
 אינכם רואים כלום שנאמר ויאמר אברהם אל נערו שבו
 לכם פה עם החמור עם הדומה לחמור: *Postquam per-*
nerunt Abraham, Isaac, Ismael & Elieser ad Zophim, vidit Abraham
gloriam Majestatis Divinae super monte Moriâ stantem, sicuti
dicitur Genes. XXII, 4. Die tertio sustulit Abraham oculos su-
os, & vidit locum (NB. המקום Rabbinis & locum & DEUM notat,
 vid. Eliam Levitam in *Thifsi* p. 101. edit. Fagiane, Hackspan. de *Cabb.*
Jud. §. XCIX. p. 384. &c.) *è longinquo. Quid vidit? Vidit columnam*
ignis à terrâ ad Cælum usq; pertingentem. Tunc interrogavit Isaac
filium suum. Mi Fili, inqviens, videsne aliquid in aliquo istorum mon-
tium? Cui ille: Ita, inqvit. Sed quid vides? ait pater; cui ille: Vi-
deo, inqvit, columnam ignis à terra usq; in Cælum pertingentem. Tunc
intellexit Abraham, quod DEO gratus acceptusq; esset puer ad holocau-
stum. Interrogavit verò Ismaelem etiam & Elieserem: Videtisne vos
quodq; aliquid in quodam istorum montium? Cui illi: Non, respondebant.
Is ergo illos similes asino reputavit, dixitq; illis: Manete hic cum asino.
Dicebat enim: Quemadmodum hic asinus nihil quidquam videt, ita neq;
vos videtis quicquam. Hoc est, quod dicitur: Et dixit Abraham ad pu-
eros suos, manete hic cum asino, ubi eos voculâ CUM suo asino equiparat.
 Nihil ergo asinus hic ruditate aliis cedebat.

§. 17. Aliquot interim prærogativas ei comminiscuntur, quas ejus præro-
 utrum simpliciter & ad literam, an mythicè mysticèq; intelle-
 ctas velint, parum in præsentî attendimus, solâ earum comemoratio-
 ne contenti. R. Abarbanel *Perusch battorah fol. LXXIV. col. 2.* cum par-
 tem earum aliquam in quæstionibus attigisset, eam postea in Com-
 mentario expositurus, *quæst. IX.* apertè fatetur: הוא מאמר צריך
 על ביאור כי רחוק וקרוב הוא לנמנע לשיפורש כפי פשוטו;
Tota illa narratio necessario expositione commodâ stabilienda est, siqui-
dem planè est impossibile, ut juxta literam suam exponatur. Sed inqvi-
rat in hæc mysteria paulò intimius, cui volupe est, & vacat. Laudant
 בן האתון שנבראת בערב שבת
 בן
 quoad
 Natales

הַשְּׁמִשׁוֹרִים *filium illius asinae, quæ creata fuit in crepusculo vespere Sabbathi.* Ita Pirke Eliezer c. XXXI. fol. XXI. col. 1. Jalkut part. I. in Legem, num. XCIIIX. fol. XXIIIX. col. 2. & part. II. in Prophet. num. DLXXV. fol. XXCVI. col. 1. Intelligunt verò asinam Bileami, generosam utiq; parentem, loqvelâ celebrem Numer. XXII, 28. 30. & in Chronico Samaritano MSC. Bibliothecæ Lugduno-Batavæ apud Hottin-ger. in Ennead. Dissert. Heidelb. Diss. II. p. 53. singulariter commenda-
 tam: וְהוּא רִמְכָּךְ עַל אֲתִמְנָתָהּ מִפְּתִיכָהּ בְּהָא לְאַהֲלֵי אֱלֹהִים אֲנִי לֹא וְהִתְנַחֵם מֵעַתָּה אֲנִי דְלִיָּהּ וְלֹא אֲהַתְנַחֵם אֲנִי יִצְרָחֵהָ: Ille autem, Bileamus, *vehebatur asinâ suâ, quâ superbiebat apud Sapientes, utpote cum quâ non opus habebat ductore via, neg, ut verberibus eam moneret officii.* Hanc enim inter decem illas res nu-
 merant, quas in vespérâ Sabbathi omnium primi circa crepusculum à DEO creatas recensent in Pirke Abhoth c. V. fol. XXX. col. 1. Pirke R. Eliezer c. XIX. fol. XII. col. 4. Talm. Babil. Masf. Pefachim c. IV. fol. CLIV. col. 1. Targum Jonathæ ad Numer. XXII. 27. & passim ali-
 bi, enucleatius post R. Majemonidem & R. Bartenoram, utrumq; in Commentariis ad Mischnam junctim editis fol. CCXIIIX. col. 1. traditas à Fagio notis ad Pirke p. 100. & Leusdenio in not. p. 81. quorum hic omnibus obvius nos describendi labore liberat; ille hæc quidem addit aliquo modo ridicula & stulta videri, sed suis non carere my-
 steriis, alibi abs se evolvendis, quod tamen institutum, ut alia Viri
 doctissimi molimina, mors præmatura interceptit. (2.) *Sessores &*
 & *sessores,* dominos ejus vecturâ usos, quos ante Messiam fuisse volunt Mosen, ante Mosen Abrahamum. הוּא הַחֲמֹר שֶׁחִבֵּשׁ אֲבִירָם אֲבִירָם לְעֶקֶר אֶרֶץ יִצְחָק בְּנוֹ שֶׁנֶּאֱמַר וַיִּשְׁכֶּם אֲבִירָם בְּבֶקֶר וַיַּחֲבֹשׁ אֶת הַחֲמֹר הוּא הַחֲמֹר אֲשֶׁר רִכַּב עָלָיו מִשְׁרֵה רִבְיָנוּ בְּבָאוּ לְמִצְרַיִם שֶׁנֶּאֱמַר וַיִּקַּח מִשְׁרֵה אֶת אֲשֶׁתוֹ וְאֶת בְּנָיו וַיִּרְכִּבֶם עַל הַחֲמֹר הוּא הַחֲמֹר שֶׁעֲתִיד בֶּן דָּוִד לִרְכֹּב עָלָיו שֶׁנֶּאֱמַר גִּילִי מְאֹד כִּי צִוֶּן הָרִיעִי בֵּת יְרוּשָׁלַיִם הַנִּגְרָה מִלִּכְךָ יִבְנֶה לָךְ צִדִּיק וְנוֹשֵׁעַ הוּא עֲנִי וְרוֹכֵב עָלַי הַחֲמֹר: Hic idem ille asinus est, quem stravit Abra-
 hamus Pater noster ad ligandum immolandumq; filium suum Isaacum, quemadmodum dicitur Gen. XXII, 3. Et mane surrexit Abrahamus & stravit Asinum suum. Hic idem ille asinus est, super quo Moses Magister noster vehebatur in itinere suo Ægyptiaco, prout dicitur Exod. IV, v. 10.
 Et

Et accepit Moses uxorem suam & filios suos & vebī illos fecit asino. Hic idem ille asinus est, cui olim Messias filius Davidis insidebit, secundum id, quod dicitur Zach. IX, 9. Exulta valdē filia Zion, clange filia Jerusalem, ecce Rex tuus veniet tibi justus, & Salvator: hic pauper & eqvitan super asino & super pullo filio asinarum. Ita Pirke Eliezer c. XXXI. fol. XXI. col. 1. Jalkut locis cit. Raschi ad Exod. IV, 20. fol. LXI. col. 1. R. Abarbanel Comment. in Legem fol. LXXIX. col. 2. edit. Venet. (3.) *Ætatem, Ætatem*, quā silicernium quodvis aliquot annorum millenariis superet; Cum enim asinæ Bileami in mundi exordio jam creatæ pulum fore docuerint, eumq; ante Abrahami tempora exclusum, sanē adveniente aliquando Messia, post tot seculorum decursum prodigiōsa senectutis asinum esse oportet. Ein sehr alter Esel! (4.) *Colorem varietatem*, simulq; ipsius asini generositatem. Utramq; intendisse videtur R. Samuel in Sanhedrin loco §. 15. citato, dum בר חיור ut Glossa inquit, h. e. ut Judæis illuderet, eqvum generosissimum se adventuro Messie obviam missurum promississet. Respondebat enim Rabbi: מי אירי ישי לך סוס בר מאה גוונין שחמור שלך numquid tibi est bar chivvar gavyane? Quod sic interpretatur Glossa: מאה בלשון פרסי פרסי מאה גוונין שחמור שלך Estne tibi eqvus centum coloribus præditus, qualis est illius asinus? additq; vocem חיור chivvar notare פרסי פרסי מאה בלשון פרסי centum in Lingvâ Persicâ. Chaldæis aliās album seu candidum designat, & in Targum Zach. VI, 3. de ipsis etiam eqvis legitur: סוסין חורין pro quo in Hebræo est סוסים לבנים eqvi albi vel candidi: Sed credendum hic Judæis, optimis verborum suorum interpretibus; at cur de pretio centum florenorum acceperit Jul. Cunrad. Otto in Gali Razia lib. III. c. 4. quando vertit: Habesne tam generosum Eqvum qui centum florenis vendi posset, adeoq; Messie personā dignus esset? conjecturâ assequi non possumus. Nam גוון & גוונא colorem significat, ut in Targum priori Esther I, 6. cum aulae byssina de arboribus suspensa & expansa גוון חורין coloris albi & candidi fuisse dicuntur, quo loco simul vocem חיור illi junctam cernis in albedinis significatione, in quâ mox ibidem de עמודי מרמרין חורין columnis albi marmoris redit. Erit ergo Asinus centuplici colore varius, quo generositatem unā connotare Samuelem voluisse, Regis cavillum arguit, generositatem eqvi Messie servitio destinati commendans.

D

Qvan-

ברק
&
ברק
quid?

Quamquam ibi varia codicum lectio occurrit, observante Glossâ Talmudicâ, & alii quidem בֶּרֶק סוּסִינָא habeant, per ר, quod סוס *equum pectinatum*, benè compositum & elegantem interpretatur, quasi splendidum, & gemmis aliisq; regiis ornamentis coruscantem & veluti fulgurantem; alii verò סוּסִינָא בֶּרֶק per ר, quod exponit סוס ברוק *equum exploratum ad currendum*, h. e. exquisiti incessus & cursus; quamcunq; tamen lectionem sequaris, ejusmodi innuitur equus, qualis Regiam Majestatem decet; at centies nihilominus vel generosissimam hanc oblati equi virtutem à virtutibus illius asini superari gloriabatur.

Ufus dicto-
rum contra
Judæos.

§. 18. Hucusq; Judæorum placita de Asino Messia, quæ qualia-
cunq; demum sint, multum in palmariâ quæstione de Messia adven-
tu ad convincendos Judæos conferunt. Nam sic vecturam asini,
humilitatis notam, inter Messia characteres reponendam esse, ean-
demq; non solam quidem, at cum aliis κειμήλοις in V. T. annota-
tis junctam de adventu ejus testari posse, largiri coguntur, quibus si
ingressum JESU CHRISTI in urbem Jerosolymam ad eundem
planè modum, quem Zacharias prædixit, compositum obvertas, ita
se constrictos sentiunt, ut exire inde nequeant. Observavit hoc Chry-
sostomus Homil. LXVII. in Matth. fol. 583. 584. edit. Comelin. tot li-
cet confessionum Judaicarum, quales produximus, nondum ita gna-
rus: Ἰδωμεν ἢ καὶ τὴν προφησίαν, inquit, τὴν Δαὶ τ' ῥημάτων.
Τίς ἐν ἡ προφησία; ἰδὲ ὁ βασιλεὺς (εἰ ἐρχεῖται σοι πᾶσι καὶ ὀπι-
βεῖς κῶς ὅτι ὑποζύγιον καὶ πῶλον νέον. ἐν ἡ ἀρματα ἐλάυνων ὡς
οἱ λοιποὶ βασιλεῖς. εἰ φόρος ἀπαίτων, εἰ σκῶν καὶ δορυφόρος
περιάγων. Ἀλλὰ πολλὴν τὴν ὀπίκειναι καὶ εὐθεν ὀπιδειγνύμεν.
Ἐρώτησον ποῖον τ' ἰσθῶνον, ποῖον βασιλεὺς ὀχέμεν. ὅτι ὅντα
ἦλθεν εἰς ἱερουσαλήμ; ἀλλ' ὅσα αὐτὸν ἔχοιεν εἰπεῖν, ἀλλ' ἡ τῶν μόνων.
Videamus jam Prophetiam verbis traditam; (Superius enim de προφη-
σία δι' ἐργων dixerat, eamq; τὴν Δαὶ τ' ῥημάτων τῆς ὄντα vocave-
rat, huic jam subjungit προφησίαν Δαὶ ῥημάτων:) Quenam igitur
est hæc Prophetia? Ecce Rex tuus venit tibi mansuetus, ascendens super
jugalem & pullum novum: Non currus agens, ut ceteri Reges, non vesti-
galia exigens, non tumore elatus, nec satellitibus stipatus; sed magnam
indig, monstrans humilitatem. Interroga igitur Judæum, quisnam Regum
asino vetus Jerosolymam venerit? neminem profectò dicere possunt,
præter

præter hunc solum. Postquam ergo hæcenus sic satis ea expedivimus, restat ut ad Vaticanum Zachariani complementum ab Evangelista descriptum accedamus, quæq; ibi mota sint ab interpretibus dubia, discutiamus. Non tamen omnia dicturi sumus, sed ea tantum, in quibus vulgo Interpretes tantum non omnes cum maxime hallucinatos offendimus. Horum duo sunt, & alterum *sessorem asini CHRISTUM* seu ipsam potius *vecturam asini*, alterum *vectorem asinum* concernit, quorum *illud* Judaica veterum rituum historia, *hoc* phraeologia Hebraica planum faciet.

§. 19. De ipsa vectura quæritur: *Utrum in se gloriosa, an despecta & contempta fuerit?* vel quod idem est: *Num Christus splendorem Regium, an sui contemptum quæserit hoc ipso, quod asinando urbem ingredi voluit?* *ASINANDO*, inquam, quâ voce Luitprandus in *histor. sue Legation.* utitur: *Asinando, ambulando, equitando Naupactum veni.* Nam ut ab Equo equitare dicimus, sic & ab Asino asinare dici, pro vehi asino, ostendit Novarinus *lib. XII. Schediasm. sacro-profan. c. V. fol. 341.* an rectè dispiciant, quibus hæc Philologia curæ est. Cæterum quod ipsam quæstionem spectat, nos neutrum asserimus, etsi gravissimi viri alterutrum sibi statuendum eligunt. Et ne moremur illud Postillatorum vulgus, qui ut Regio CHRISTI in Urbem ingressui Majestatem concilient, totam dicendi artem excusâ omni, quam possident, orationis suppellectili, in laudem vecturæ hujus asininae cum Salomonis equitatu *1. Reg. I, 33. seqq.* ut plurimum collatæ effundunt: ipse, quod miramur, Hottingerus *de doxμασιν Abrahami in Ennead. p. 53.* cum Abrahamum cæteris jumentis, camelis præsertim, instructissimum ad iter suum in montem Moriah cum filio faciendum, dixisset elegisse asinum *Gen. XXII, 3.* quod dignitatis esset indicium, non contemptus; ad hanc Christi quoque vecturam delatus, eum, inquit, asino vectum, *Majestatis potius, quàm contemptus indicio.* Ad quod firmandum librum Judicum in partes vocat, è quo non inglorium fuisse apud veteres hoc vecturæ genus constet; nam & Judices laudari in Deborah cantico *Judic. V, 10.* quod *אתונות צהורות* asinis nigris inceserint, & Judicum filios *על עירים* asellis vectos commendari *cap. X, 4. XII, 14.* Sed ignoscant Viri Doctissimi manes, si parum ad temporum & rerum statum attendisse illum dixerimus. Priscis sanè illis Judicum temporibus non diffitemur sumæ dignati-

Quæst. I.
An CHRISTUS
STUS vecturâ
asini splendorem
regium, an
sui contemptum
intenderit?

Negatur
prius.

onis viros asinis infedisse; sed nec Davidis tempore ingloriam fuisse, vel Regi minus convenientem, vecturam Asini, nos Ziba docet, dum asinos Davidi Regi לרכוב *ad vehendum* donat 2. Sam. XVI, 2. Quod enim hodiè nobis equi servitium præbent, quibus & Magnates superbire, & incedere plebejos videas nullam inde gloriam aucupantes id simplicioribus illis Reipubl. Hebræorum temporibus præstabant asini, quorum promiscuum usum observamus Exod. IV, 20. Jos. XV, 18. Judic. I, 14. 1. Sam. XXV, 20. 2. Sam. XVI, 2. XIX, 26. 1. Reg. XIII, 2. 13. &c. At postquam Imperium gloriosius eminuit Salomonis Majestate, equos etiam ad regium splendorem & terrorem hostium multiplicantis 1. Reg. IV, 26. vix amplius Regem asinus decebat, neque ullibi legimus post illud tempus, tum ante tum post captivitatem Babilonicam ad CHRISTI usque ætatem, Regem asino vectum, tantum abest, ut signum Majestatis vectura hæc tum fuerit, cum rerum jam Romani potirentur, & simul eorum luxus, de quo vid. Joan. Meursium in *Romæ luxuriant. c. XI. p. 43.* Judæam occupasset.

& posteri-
us.

Afferitur
tertium, quod
datur inter
utrumque.

§. 20. Contrà tamen non est, cur in alterum extremum de' abamur, & sui contemptum despectumque; CHRISTUM quæsisse dicamus. Quamquam enim ingressus hic à Majestate & pompâ Regum terrenorum quam longissimè absuit, quorum nullus asino, eoque conductio in tantam Regiam & Metropolin, quanta Jerosolyma erat, spectante & acclamante populo fuit vectus; non tamen propterea infamiae maculis aspergendus, aut ipse CHRISTUS hoc genere vecturæ usus in sordidum mendicorum numerum reponendus, à quâ quidem ignominia dum eum rectissime vindicat Dn. D. Varenius, nescio an non ad prius illud extremum nimium propendeat. Videatur ipse Decad. XIV. in Gen. Loc. II. concl. 2. p. 626. 627. simulque conferatur B. Jo. Tarnovius *Comment. in Zach. IX, 9. p. 233.* Nos medium tenemus, & inter utrumque; gentis loquimus consuetudinem, quæ viatoribus ad iter feliciter absolvendum asinos commodabat. Privatorum hæc fuit commoditas ab omni cum infamia tum contemptu remota, quam CHRISTUS, cujus regnum non erat de hoc mundo Job. XIX, 36. arripere haud dubitavit, ut naturam sui Regni à pompâ terrenorum Regum alieni adumbraret. Ut ergo magnifica ibi secularis Majestatis elogia derogamus asino: Sic neque hic probare possumus hæc accurati cætera Scripturæ Interpretis B. Franzii *Orac.*

CXIII.

CXIII. de script. interpr. p. 684. quibus equitatum CHRISTI puerilem, stultum, ridiculum & contemptissimum interpretatur: *CHRISTUS*, inquit, ut daret occasionem, per quam universa, cuncta & singula individua ad spectandum plus & magis, ut in ridiculis rationi visis fieri solet, concitaret, tam puerili, stulto & contemptissimo equitatu, per civitatem & per media hostium agmina in templum usq; utitur. Et mox p. 685. Non tantum sufficere debuit ipsi illa inequitatio, stulta visa, &c. Et initio huius oraculi p. 675. *Quæritur*, inquit, propter quam causam Dominus Dominantium & Rex Regum in urbem istam adeo magnificam, & circa festum Paschatos peregrinis scitentem, tam vili & tam contempto animali voluerit ingredi?

§. 21. Quod si quidem ad nostros & aliarum quarundam gentium mores respicimus, negandum non est, in opprobrium, quandoq; asinis imponi, & circumduci, qui contemptim habentur, qual. in injuriam Maximiliano Cæsari Sabellicus scribit Hispanos & Germanos Brixie arctissimâ obsidione pressos intulisse, cum nullam in eo spem haberent: nam morionem asino impositum Imperatoriis insignibus atq; aquilis ornatum lagenas collo suspensas deferentem, per urbem deduxisse, & pro Cæsare, quasi ipsis auxilio advenisset, temulentius, quam quisquam crederet, fœdis acclamationibus salutasse. Aliud exemplum, idq; & antiquius & multò truculentius observat Novarinus l. XII. *Schediasm. Sacro-profic. XX. f. 352*, adducitq; verba Pauli Aquilegiensis Diaconi ex l. XXII. *Hist.* quibus illud enarrat: *Postero die*, inquit, cum ludi Circenses agerentur, raserunt faciem ejus, & barbam denudaverunt, capitis & superciliorum pilis ablati; Et indutum hunc laneo brevi, ac sine manicis vestimento, sedere fecerunt SUPER ASINUM sagma ferentem, & ipsius tenere caudam, & duxerunt per Tippiû in Hippodromû, cuncto populo imprecante illi mala & conspuente. Trabeat autem asinum Constantinus Nepos ejus, naso reciso: cumq; venisset ad vulgus, descenderunt & conspuerunt & pulverem projeceverunt super ipsû. Imò antiquioribus adhuc temporibus probrosam asini vecturâ apud Cumanos solennem adulterii pœnam fuisse, autor est Plutarchus in *Problem.* Apud hos enim mulier in adulterio deprehensa in forum ducebatur, ut certo lapidi insitens ab omnibus conspiceretur: deinde impositam asino, atq; ita per totam civitatem circumductam reducebant ad lapidem, ut ibi rursus omnibus esset spectaculo. His

Asini vectura quibusdam gentibus probrosa.

peractis habebatur infamis per omnem vitam, & ignominia causa
 ὀνοβασία dicebatur, quod asinum equitasset. Conf. Erasmus in *Chiliad.*
fol. 308. col. 1. Dilherr. *Eclog. sacr. dict. VI. p. 228.* Cui parum absimilem
 poenam in multis Europae locis obtinere, Aldrovandus *lib. I. de qua-*
druped. c. II. fol. 166. scribit, in quibus gravioris alicujus peccati reos,
 asinis insidentes per plateas & fora vectos, virgis caedere licetore post
 terga harente soleant. Unde etiam promanasse putamus illam mi-
 litum poenam, quae ad asinum ligneum in foro aut alio loco publico
 positum damnantur, cui propemodum quotidie insidere quen-
 dam reum, ac saepius plures videmus in iis urbibus, quae praesidio
 gaudent.

Aliis indif-
 ferens.

s. 22. Enimvero obtineat hic, quod Nepos in *prae. ad vitas*
Excell. Imper. monebat, non eadem omnibus esse honesta atque turpia,
 sed omnia Majorum institutis judicari. Neque enim dedecori esse
 foeminis Bononiensibus, non equis, sed asinis vectas affines suos visi-
 tare, quod, cum nunquam cespitet asinus, commodiorem tutiorem-
 que ventionem polliceatur, observat Petrus Bellonius *lib. XVII. Ob-*
servat. cap. 5. ac hodiernum in via, quae Bononiâ Loretum itur, asini
 peregrinantibus ad complendam sui itineris partem aliquam certo
 pretio passim prostant: quae sanè commoditas iter facientibus nihil
 vel Majestatis vel contemptus conciliat. Hujusmodi vero asinos
 conductitios in Palaestina quoque circa Jerosolymam & alia monto-
 sa cumprimis loca iter ingressis passim servasse, testantur consuetu-
 dinis ejus vestigia in Talmudico Hebraeorum Jure, cum de conditio-
 nibus agitur, quibus tenebatur asini ad iter adhibendi conductor, sive
 ipse ei insidere, sive onera in urbem importanda imponere vellet.
 Locus geminus est in Mischnâ Massech. *Baba Meziza*, & alter qui-
 dem de iis loquitur conditionibus, quae servandae essent, si equitatu
 serviret asinus, & legitur *cap. VI. Mischn. III.* Operis Talmudis Babi-
 lonici *fol. LXXIIX. col. 1.* & in Talmude Jerosolymitano *part. IV.*
f. X. col. 4. edit. Venet. & in Mischnajos cum Rambam & Bartenorâ Rivæ
 detriento Anno 1559. editis *fol. CLXXII. col. 1. 2.*
 השוכר את החמור והולוכו בבקעה והולוכו בהר אפילו
 להולוכו בהר והולוכו בבקעה חייב השוכר את החמור
 זו עשר מילין וזו עשר מילין ומתה חייב השוכר את החמור
 והבריקה או שנעשית אנגריא אומר לו הרי שלך לפניך
 מתה או נשברה חייב להעמיד חמור השוכר את החמור
 להולוכה

Leges de
 iis Talmu-
 dicæ.

להוליכה בהר והוליכה בבקעה אם החליקה פטור ואם הוחמה
 חייב להוליכה בבקעה והוליכה בהר אם החליקה חייב ואם הוחמה
 ; מחמת המעלה חייב : *Qui asinum conducit, ut iter cum eo faciat per montana, & incedit cum eo in planicie; aut ut in planicie incedat, & transit cum eo montem, etiam, si decem milliaria sive hic, sive ille conficiat, & asinus moritur, is tenetur damnum restituere. Quod si quis conducit asinum, qui oculorum suffusione (vel, ut quidam vocem, הבריקה, aut, ut alia editiones habent, הבריקה, teste R. Bartenora ad b. l. exponunt, pedum quodam morbo) laborat, aut qui ad opus servile publicum adhibetur, & (is qui exponit) ait illi: ecce vicinus est coram te, (h. e. vel alius asinus hujus loco exponendus, vel vicinus, à quo mutuo petere potes alium asinum, & is nihilominus hunc conducit) & asinus moritur, aut frangitur, tenetur (conductor) domino restituere asinum. Qui conducit asinum, ut iter cum eo faciat in monte, & eo in planitie utitur, si labitur asinus, liber est conductor à resarciendo damno; sin incalvescat, reus est, & damnum restituere tenetur. Quod si conduxerit ad usum in planicie, & utatur in monte, si labitur, reus est; sin incalvescat, liber; nisi forte ob montis altitudinem, quem adscendere debuit, incaluerit, tunc enim conductor reus est. Alter locus mox in eodem capite utriusque Talmudis Mischn. V. sequitur, sed in Talmude Babilonico fol. LXXX. col. 1. & de Jure asini ad onera portanda conducti agit: השוכר את החמור להביא עליה חטים והביא עליה תבואה וחבוא עליה תבן חייב מפני שהנפח קשה למשאוי להביא לתך חטים והביא לתך שעורים פטור ואם חוסף על משאו חייב וכמה יוסף על משאו ויהא חייב כומכוס אומר משום רבי מאיר סאה לגמל שלש קבין לחמור: *Qui asinum conducit, ut advehat super illo triticum, advehit autem hordeum, reus est, (si asinus damnum patiat.) Qui conducit ut advehat frumentum, advehit autem stramen aut paleam, similiter reus est, si quidem ille tumor molestiam oneris aggravat. Qui conducit, ut certam mensuram tritici advehat, advehit autem eandem mensuram hordei, liber est; Sin vero oneri quid superaddat, reus. Sed quantum superaddet oneri, ut reus fiat? Symmachus respondet ex sententia R. Mejeri: si Seam addat Camelo, & tres cabos asino. Conferatur ad priorem cum primis Mischnam utraq; Gemara foliis ex utroq; Talmude citatis.**

Bethphage,
nomē inte-
gri tractūs,
non villæ
aut oppidi.

§. 23. Non ergo dubitandum, quin versus eam urbis partem, quā mons Oliveti situs erat, tales asini in usum viatorum Olivetum transire cupientium præstō fuerint, cumque mons ille in varios tractus divisus esset, varia quoque prædia & diverforia passim extiterint, in quibus habitarent, qui mercenarios huiusmodi asinos alerent. Et tale prædium erat in *Bethphage*, quod CHRISTUS jam pervenerat, h. e. in illo montis olearum tractu, qui a teri illi *Bethania* dicto conjunctus erat. Non enim oppidum, hic cerē, sed magnum montis tractum ad ipsa montis mœnia se porrigentem, hoc nomine appellari, contra pervulgatam opinionem Hebræis Autoribus luculenter demonstrat Jo. Lighthfoot in *Centur. Chorogr. c. XXXVII. p. 75. 76.* quod quia interpretes hætenus ignorarunt, tot se difficultatibus hinc emergentibus expedire nequiverunt. Huc igitur cum venisset CHRISTUS urbem asino ingressurus, ἡν κώμην h. e. vicum illum, seu prædium, in quo asini viatores montem olearum transituros expectabant, digito ostendit discipulis eō ablegandis, ipsumque adeo quippe vicinum ē regione situm, utut nomine fortē suo non caruerit, haud nominat, ut frustra Grotius in *Matth. XXI. fol. 352.* & plerique alii post Justin. Martyrem *Dial. cum Tryphon. fol. 272. edit. Paris. Anno 1615. Græco Latina,* seu juxta editionem Latinam *Basilienf. de Anno 1565. Tom. II Opp. fol. 100.* dicant fuisse *Bethphagen* hīc memoratam, sed profecto τῇ κώμῃ villa illi, vel ut vulgatus transtulit, castello, ē quo asina cum pullo adduci debebat, sic contradistinctam, ut qui peregrinātibus loca sancta hōiē de scribunt, & *Bethphagen* sibi oppidum aut vicum persvadent, distincta loca circa quartum miliaris ab invicem distantia, hoc procul dubio textu moti demonstrant, & hunc, vulgō *Castellum contra vos*, sive *Asina* appellant, etsi nulla utrobique, nec *Bethphages*, nec *Castel'i* hujus, ne vel fundamentorum quidem memoria cernitur, sed ea, uti inveniunt, in mentibus fidelium conservatur. Ita *Perdiccas Ephesus in Ecphrasi the-matum Dominicor. Hierosolymit. quam parti. i. συμμίχων* Leonis Al-latii insertam Nihusius edidit p. 72. cum primum de *Bethphage*, mox de *Bethania* egisset, de hoc quoque prædio addit:

Τὰς τὰς ὁρὰν ἀντικρύ πρὸς νότον τὸ μέγεθος
καὶ ἡ ἡν ὄνον ἄχασα καὶ πῶλον συμμικρά κώμην.

h. e.

*h.e. E montis hujus regione ad australem partem,
Est etiam, qui asinam egit & pullum, parvus vicus.*
Seu, ut Fed. Morellus transtulit:

*Est collis è regione ad Austri flamina
Vicus pusillus, unde asella & pullus est
Abductus. --- --- ---*

Dum itaque CHRISTUS vult asinum sibi inde afferri, nihil novi parat aut, insoliti, quantum ipsum vecturæ genus attinet, sed uti promiscuè plurimi exitinere lassum huc advenientes, asinos commodato accipiebant, quibus vel ipsi insidentes transcendebant montem, vel onera in urbem portanda imponebant: Ita CHRISTUS similiter tantum iter hucusque pedes emensus, per montem in urbem usque illud asino conficere cupiebat. Quod sic de more gentis factum Historiæ CHRISTI Persico idiomate abs se conscriptæ, magnoque Mogolensium Imperatori Acabaro oblata Hieronymus Xaverius *part. II. de Mimic. & Doctr. ejus p. 388. 389.* infarsit, è Lirani glossâ, ut conjicimus, haustum, eum nempe restituisse inquit asinos ipsorum Domino, quod *impotentes & pauperes iis veliti, Hierosolymam ascenderent, indeq. reducerent*: quo nomine quidem vapulat à Ludov. de Dieu *in animadvers. in excerpta Xaverian. p. 615.* quod tanquam compertum, id Evangelicæ historiæ attexuisset, cum incerta hæc sit alicujus fortassis opinio; nos tamen certum atque exploratum dicere, per hæcenus dicta non dubitamus.

§. 24. Fatemur interim, multos Divinæ Majestatis, Omnipotentia & Omniscientia radios in toto hoc opere CHRISTUM emisisse, nec caruisse vecturam hanc asininam mysteriis, utpotè non in se quidem, ut diximus, at certè respectu CHRISTI insolitam, qui cum nullibi legatur eqvo vel asino iter fecisse, hic tamen ultimum Jerosolymam, ut plenissimum ibi pro genere humano *ἀνθρώπων* persolveret, perrecturus, nec adeò longo ab urbe intervallo remotus, non pedes suo more, sed asino insidens exiguum, quod restabat, spatium itineris ultimi conficere voluit. Fatemur etiam, non convenisse equitatum hunc, nihil Regii minatum, cum júbilo & applausu populi, cæterisque devotionis ac subjectionis symbolis, cum quibus privatorum more humiliter advenientem, veluti Regem excipiebant.

Vindicatio
nostræ as-
sertionis
de asino
mercena-
rio pro mo-
re gentis à
CHRISTO
usurpato.

E

bant.

bant. At, qui propterea vel ipsum asinum, quo Jerosolymam vehabatur, Majestatis dixerit indicium, vel præter mysteria nihil aliud hic quæstiverit, nã ille innumeros, & plebejos quidem plures, qui eandem hanc itineris sui commoditatem quotidiè amplectebantur, Majestate insigniverit, & in illorum quoque commodatis asinis opus habuerit mera mysteria fingendi. Aut è contrario, si pro contemptus signo habuerit asinum equitatum, ad morionum fortè, aut pœnæ alicujus reorum ignominiam relatum, nã plurimos illius temporis peregrinantes, etsi non illustri vel nobili loco natos, quos quidem promiscuè omnes excipere vix poterimus, honestos tamen plerosque infamiâ notarit, & pœnas sibi finxerit dedisse sine reatu *ἐαυτοῦ ἱεροσολμοῦ γενέας*. Veneremur potiùs humilitatem CHRISTI in Majestate, & Majestatem in mansuetudine, atque agnoscamus sapientiam DEI, JESUM nobis Regem nostrum si asserentis, qui cum instar plebei asino mutuatitio adveheretur mansuetus, ut nihil cernerent Judæi, quod non quotidianum esset, nec ideò in aliis attenderent, ab ipsis tamen, & numerosâ quidem turbâ cum tanto applausu & veneratione excipiebatur, Rex salutatus ab iis, qui nihil Regii in ejus adventu observabant. Quod quia fore prædixit Zacharias, ad cujus vaticinium corroborandæ fidei nostræ gratiâ Evangelistæ Matthæus *cap. XXI, 4. 5.* & Johannes *cap. XII, vers. 14. 15. 16.* historiam persequuti provocant, nostrum est utique, ingressum hunc pie devotèque contemplari, collatisque inter se vaticinio & complemento, JESUM Bethlehemi natum & Nazarethi educatum, verum atque unicum Messiam Patribus olim promissum, nobisque tunc exhibitum agnoscere. Quæ de re digna sunt B. Lutheri verba, quæ ex *Enarrat. b. l. fol. 6.* huc transcribantur: *Quid habet, inquit, hic ingressus, quod Regem deceat? At fidei hæc natura est, ut nequaquam secundum quod videt aut sentit, sed secundum quod audit, judicat, idque quod auditu verbi Divini perceperit, sequitur solum. Quare hic quoque nulli CHRISTUM agnoverunt, nisi qui verbum Prophetæ sequuti, in ipsum crediderunt, regnumque ejus haudquaquam oculis, sed Spiritu metiti sunt & susceperunt, qui & veræ Filiæ Zion erant.* Hucusque Lutherus.

Quæst. II.
An CHRI-
STUS *asina*

s. 25. Jam ut ad alterum deveniamus, quandoquidem Matthæus duo jumenta, asinum & pullum, tum postulata à CHRISTO, tum

tum à discipulis adducta scribit, ceteri verò Evangelistæ solius pul-
li meminerunt, de asino etiam vectore ceptum est disquiri : num-
CHRISTUS utrique infederit, an alterutri ? & , si hoc, utrum asinæ,
an pullo ? Ac de posteriori quidem res manifesta erit, modò circa
prius quæstionem conveniret, cui decidendo tres amovendæ sunt opi-
niones, quarum una ex asinâ & pullo unum animal conflât, altera
CHRISTUM utrique, sed per vices, primùm asinæ, deinde pullo, vel
contrâ primùm pullo, deinde asinæ, infedis se tradit, ultima tandem
fingit simul utroque miraculosè vectum. *Prima* apertè falsa est &
historiæ διαρρηδην contradicit : *Secunda* utcumque probabilis, sed ver-
bis Matthæi & Zachariæ rigorosiùs acceptis superstructa, ac difficul-
ter cum reliquorum Evangelistarum textu concilianda : *Tertia* verò
planè puerilis & ridicula.

S. 26. Qui primam tuentur, illi voculam ΚΑΙ in verbis ἐπὶ Sententia
ὄνον καὶ πῶλον non copulativè : super asinâ & pullo, sed exegeticè : prima affir-
super asino i. e. pullo, accipiunt, quasi posterius solùm explicet, qua-
mantium
lem ὄνον seu asinum scriptura ὁ εὐαγγελιστὴς & intelligat, nempe non-
posterius,
quemvis vetulum, sed πῶλον i. e. juveniculum & pullum, ipsumque a-
sed cum
παραρρη-
deò nomem ὄνος non in fœminino asinam, sed masculino genere
vcl. Za-
asinum reddunt. Quod ut melius intelligatur, verba Calixti recen-
chariæ.
sebimus ex lib. V. Concord. Evang. cap. XXXII. pag. 289. quibus id pro-
pugnat : Dicendum, inquit, in Hebræo Zachariæ זכרן esse, quod
asinum significat, & masculinum est, nec aliter invenitur in sacris, nisi
quod 2. Sam. XIX, 26. in fœminino poni videtur, aliàs ubique citra contro-
versiam asinum significat, אסין verò asinam. Sequitur ער ער
super pullum filium asinarum, quod ut scripturæ mos est, plenioris descri-
ptionis & expositionis ergo adjicitur, ut hic illud γ sicut alibi sæpè, exe-
geticum sit ; ער autem non tam pullum pusillum, quàm talem, qui
jam equitationi idoneus sit, significat, ut constat ex Judic. X, 4. & XII,
14. Sensus itaq; apud Zachariam planus est : Venit Rex tuus humilis equi-
tans super asinum, super pullum inquam asinarum : hoc enim ulterius de-
scribendo, additur, ut quanta humilitas Regis sit, observetur. Eodem
itaq; modo, quando apud Matthæum c. XXI, 5. è Propheta dicitur Πι-
βεθκὰς Πιόνον καὶ πῶλον ὅιον ὑποζυγίς, illud ὄνον in Masculino,
non in fœminino accipiendum ; sicut etiam Johannes simpliciter sensum
reddidit : Ecce Rex tuus venit καὶ ἴμεν & Πι πῶλον ὄνον sedens super
pul-

pullum asinae. His consimilia habent Jo. Vorstius *part. I. Philol. Sacr.* c. XV. p. 381. Alphons. Salmero. *Tom. VI. Commentarior. suor. in Evangel.* & *Acta, tract. XLVII. fol. 292.* Hugo Grot. *Annot. in b. l. Zach. fol. 635.* Quæ quidem interpretatio bene congruit idiotismo Lingvæ Sanctæ, cui usus tam præfixi Hebraici ו quam voculæ Græcæ ης, in sensu exegetico frequens est, prout Drusius *lib. II. de literis Moschevechaleb c. IV. p. 29.* & Glassius *l. IV. Philol. Sacr. tr. I. p. 691. 692. (878. 879.)* docent, & poterunt videri loca ex V. T. *Gen. XIV, 23. XXXV, 12. Lev. V, 1. Numer. XIII, 19. XXXI, 6. Deut. V, 16. Esaie LV, 1. Jer. XXXIV, 21. &c.* Ex N. T. *idem Matth. XIII, 41. Joh. X, 33. Rom. I, 5. Col. II, 8. &c.* nec aliter R. Dav. Kimchi in *Perusich Zachar. fol. DCLXXXIX. col. 1.* cum cæteris Judæis Evangelicâ lucē destitutus verba Zachariæ exponit: ועל עיר בן אתונות כפל הענין כמ"ש ועוד זכר עיר שהוא קטן בשנים כי הוא הנבחר לרכוב וכן אמר ע"ל בני מבצן רוכבים ע"ל שלשים עורים: *His verbis: ET SUPER PULLO FILIO ASINARUM, Propheta rem eandem, quam voce על חמור SUPER ASINO, significaverat, aliter solum repetit; Explicat verò per עיר PULLUM, quod asinum ad huc annis tenerum significat, quòd talis ad vehendum præ cæteris sit idoneus, sicuti etiam de filiis Ebzani dicitur in libro Judicum, vectos fuisse triginta pullis: atque hunc sine dubio prævium sequuti sunt Tarnovius*

Observati-
ones de
illâ

(1)

Vav exegeticum hîc agnoscens. Sed locum hîc obtinere idiotismus ille non potest. Nam (1) quod ex Prophetâ Matthæus *vers. 5.* sine articulo ὄνον καὶ πῶλον dixerat, id ipse non in sequentibus modo *vers. 7.* articulis additis per τὴν ὄνον καὶ τὸν πῶλον *asinam & pullum*, sed & in antecedentibus v. 2. cū CHRISTI mandatum ad discipulos recenset, per clarissimam asinæ à pullo distinctionem interpretatur: εὐρῆσατέ τὸν ὄνον δεδεμένον, καὶ πῶλον μετ' αὐτῆς, *invenietis asinam alligatam & pullum cum eâ.* Hinc (2) infero: Quod si-

(2)

bi adduci mandavit CHRISTUS, & Discipuli mandatum ejus exequuti adduxerunt, id Zachariæ per ועיר חמור h. e. ut Matth. *vers. 11.* ὄνον καὶ πῶλον intellexit. Atqui ὄνον δεδεμένον, καὶ πῶλον μετ' αὐτῆς, *asinam alligatam & pullum cum eâ* adduci mandavit CHRISTUS, & Discipuli τὴν ὄνον καὶ τὸν πῶλον *asinam & pullum* adduxerunt. Ergo (3) Hebræum nomen חמור terminatione Masculi-

(3.)

num

num est, sed ex illorum numero, quæ Grammaticis ἐπὶ κρινοῖα dicuntur, & sub terminatione Masculini generis, ut alia animalium & volucrum nomina, tam marem, quam foeminam significat. Utut ergo Hebræi asinam peculiari nomine אֲתוֹן designent, solent tamen eandem quoque חמור dicere, utpote, quod speciei, non sexus nomen est, & unus locus 2. Sam. XIX, v. 26. si maximè plura non darentur, satis evincit, ubi Mephiboseth ad Davidem: *Dixit servus tuus, sternam mihi החמור*, num *asinum*, an *asinam*? Imò verò *asinam*, ut LXX reddunt, ὄνον, (licet in quibusdam editionibus & ὄνον reperiatur) addit enim expressè: וְאָרַכְכָּ עָלָיו & *vehar super eam*. Hinc R. Aben Melech in *Michlal Jopbi* h. l. fol. LXXII. col. 1. בְּנֵי לִנְקָבָה בְּלִשׁוֹן זָכָר וְלֹא שִׁיחִיָּה לִשׁוֹן זָכָר נִפְלָא עָלָיָה זֶה אֲלֵנָּה יֵשׁ בּוֹ דְּבָר נִסְתָּר נִפְלָא וְסִמְךְ הַכְּתוּב עַל הַמְבִינִן בְּהוּיָת הַדְּבָר הַהוּא מִבֵּן מִמֶּנּוּ וּפִירוּשׁ וְאָרַכְכָּ עָלָיָה לְפִי הַחֲמוֹר כֻּלָּל הַזָּכָר וְהַנְּקֵבָה הַמְּיוֹחֲדִית בְּשֵׁמָה אֲתוֹן לְפִיכָךְ אָמַר עָלָיָה לְפִי שְׁחִיתוּהָ אֲתוֹן וְקִרְאוּהָ חֲמוֹר עָלָיָה דָּרָךְ כֻּלָּל; Conf. R. Dav. Kimchi in *Perush* h. l. fol. 352. col. 1. & in *Schoraschim* fol. XL. col. 3. Licet igitur (4.) verba Zachariæ sic optimè fluant, si nomen חמור Masculinè, & præfixum ἵexegeticè, exponas רוכב על חמור (4.) *equitans super asino, id est, super pullo*, ut hæc עיר ועל עיר per ἐπεξήγησιν prioribus addantur; nobis tamen clavem alterius interpretationis quæ lingvæ genium non minùs sequitur, suggerit Matthæus, Interpres Prophetæ infallibilis, quâ nomen חמור foemininè, & præfixum ו copulativè accipiendum cognoscimus. Nec (5.) satis est, (5.) concedere quidem, (oportet enim) asinam simul & pullum adduxisse discipulos, sed velle nihilominus arguere, Prophetam de alterutro solum vaticinatum fuisse: Nam dum Evangelista utrumque jumentum, asinam & pullum tam circumspèctè memorat vecturæ CHRISTI servivisse, prædictum sanè inquit v. 4. à Prophetâ id ita futurum, & prædictum non ex parte, sed planè ita uti evenit: Τὸ ὅλον γέγονεν, ἵνα πληρωθῇ τὸ ῥηθὲν εἰς τὸ πρὸφῆτα, hoc autem TOTUM (quod de asinâ & pullo adducendis narratur) factum est, ut impleretur dictum per Prophetam. Et quid me (6.) tandem moveat, ut ab eo textus sensu recedam, quem non verba modò planissimè accepta offerunt, sed & quî complementum vaticinio exactissimè respondere docet? (6.)

Sententia
secunda af-
firmantium
prius, limi-
tato.

§. 27. Longè melior est *secunda* opinio, his præsertim tibicini-
bus, quibus antecedentem destruximus, non parùm suffulta, quæq;
hodiè plerorumq; assensu gaudet, postquam Patronum nacta est B.
Gerhardum, immortaliter de Ecclesiâ promeritum, qui eam latissi-
mè propugnat *cap. CXLIV. Harmon. Evangel. p. 271. & seqq.* Nam cum
& Propheta de utroq; jumento, asinâ & pullo vaticinatus fuerit, &
Matthæus memoret, non pullum modò, sed & asinam adduxisse di-
scipulos, & ἐπάνω αὐτῶν *super illos* tum vestimenta, tum CHRIS-
TUM ipsum posuisse, & verò fieri non potuerit, ut simul utraq; ve-
beretur, per vices primùm asinam, deinde pullum concendisse inqui-
unt, & quia posterioris vectura magis CHRISTO placuerit, pulloq;
adeò diutius, quàm asinæ infederit, hinc factum ut ceteri Evange-
listæ solius pulli meminerint, non item asinæ, quam tamen propter-
eà exclusam, aut vecturæ non adhibitam nolint. Huic interpreta-
tioni postea singulare mysterium imponunt, quasi asina oneribus
adsveta Judaicum populum tot legum Mosaicarum & ceremonia-
rum jugo onustum, pullus verò indomitus populum gentilem, nul-
lo hactenus legis onere pressum præfiguret, quorum illi prius infe-
derit CHRISTUS, ut prius sibi è Judæis Ecclesiam collecturum signi-
ficaret, in quorum tamen renuentium locum Gentiles mox esset hur-
rogaturus. Ita è veteribus Theophylactus *Comm. in Matth. XXI.*
fol. 120. edit. Græco-Lat. Parisiens. A. 1631. ὁ μὲν Λεκαῆς, inquit, καὶ ὁ
Μάρκος ὑποζύγιον μόνον εἶπον. Ματθαῖος ὅτι ὄνον καὶ πῶλον,
οἷον ἐναντία λέγοντες. Ἀγομένω γὰρ τῷ πῶλῳ συνηκολούθη καὶ ἡ
μήτηρ. Ἐκάθισε ὅτι ἐπάνω αὐτῶν, καὶ τὸ δύο ὑποζυγίων, ἀλλὰ τῶν
ἱματίων. Ἡ περὶ αὐτῶν μὲν ἐκάθισεν ὅτι τῆς ὄνως, εἴτα καὶ ὅτι τῆς πάλως.
Ἐπεὶ καὶ περὶ αὐτῶν ἐπανεπαύσατο τῇ τῇ Ἰερουσαλὴμ συναγωγῇ, εἴτα τῷ ἐξ
ἐθνῶν λαῷ. Lucas quidem & Marcus subjugalem solum dixerunt,
Matthæus autem asinam & pullum. Non dixerunt autem contraria:
Ducentes enim pullum sequuta est mater. Collocaverunt autem super
illa: non super duo jumenta, sed super vestimenta. Aut primum quidem se-
dit super asinam, postea super pullum: quia & primum quævit in Ju-
deorum Synagoga, deinde in Gentili populo. Non inepta quidem al-
legoria: uti nec ipsa textus explicatio absurditatis insimulanda,
quam Theophylacto sex integris seculis antiquior Augustinus *lib. II.*
de consensu Evangel. c. LXVI. & ex recentioribus Liranus, Cajeta-
nus,

nus, Ofiander, Hunnius, Franzius *de Interpretation. Script. Orac. CXIII.* p. 678. Jansenius *Comm. in Matth. XXI.* p. 249. pluresq; alii tenent, ac Hieronymus Xaverius quoq; historiae CHRISTI, cujus jam supra meminimus, Persicè conscriptæ & à Ludovico de Dieu cum latinâ translatione & animadversionibus ante hoc XXX. annos Lugduni Batavorum editæ *part. II. de miracul. & doctrina ejus* p. 389. inseruit: Discipuli, inquit, venerunt atq; ita fecerunt, & asinam pullumq; adduxerunt, & vestimenta sua superinjecerunt, eumq; rogarunt, ut ea conscenderet. Primum asinam conscendit, tunc illum pullum, quem nemo conscenderat. Sed observamus interim sequentia: (1) Et si Matthæus asinam & pullum adducta, & pluraliter *ILLIS* impositum scribit CHRISTUM, idemq; Zachariæ vaticinio confirmat; nullibi tamen ait, per vices, primum asinæ, deinde pullo ipsum insedissee. Asinam equidem primo, & pullum secundo loco nominat, quia voces non nisi successivè proferuntur, ut una alteram excipiat; sed quod primum asinam conscenderit, & post emensum aliquod viæ spatium descenderit rursus, ac pullo insederit, per vices adeo utroq; vestus, id saltem ita ratio in textum infert, quod impossibile videatur, in utroq; simul jumento equitasse. Licebit ergo (2) vicissim rationis attendere judicium, habitoq; respectu temporis & itineris conficiendi, quod oppidò breve erat, impossibilitatem quandam, si non Metaphysicam, at Moralem certè, obvertere; nisi singulare quid ac memorandum huic vicissitudini & commutationi asinæ cum pullo subfuit. Tale autem (3) si fuisset, non id explicatiùs modò enarrasset Matthæus, sed nec reliqui Evangelistæ prorsus vecturam asinæ tacuissent, qui dum solius pulli, cui CHRISTUS insederit, mentionem faciunt, non quidem negant, adductam cum pullo asinam, quippe de quâ ex Matthæi historiâ constare poterat; negant tamen hoc ipso, quod tacent, asinæ ipsum insedissee, nisi hoc similiter tot verbis indicet Matthæus; at non indicare, paulò post ostendimus. Adde (4) quod hujusmodi asino CHRISTUS vehi voluit, ἐφ' ὃν ἕδεις ἀνθρώπων καθίκε, ut Marcus inquit *c. XI, 2.* vel uti Lucas *c. XIX. v. 30.* ἐμφαλιωτέρως loquitur, ἐφ' ὃν ἕδεις πῶποτε ἀνθρώπων ἐκάθισε, in quo nemo unquam hominum sedit, perinde ut plauistro novo arca fœderis olim imposita reducebatur *1. Sam. VI. 7.* quò referri potest, quod de animalibus ad sacros usus adhiberi solitis, nempè in-

Observati-
ones de il-
lâ,
(1.)

(2.)

(3.)

(4.)

jugi-

jugibus & humanis usibus nondum mancipatis, alibi docemus. Atqui asina illa non sessorum tantum plurimos jam admiserat, sed & alios ibi, ubi alligata erat, porrò adhuc præstolabatur; pullus verò indomitus apud matrem consistebat, eamq; sine dubio interdum, si concederent, comitabatur viatoribus servientem. Asinam ergò servitio viatorum destinatam sibi CHRISTUS adduci jubet, non solam

(5.) tamen, quod aliàs sæpius fieri solebat, verum unà cum pullo, quo solo uti vectore intendebat. Præterea (5.) qui utroq; per vices vectum consentiunt, dissentiunt ipsimet inter se circa ordinem, plerisque; asinæ vecturam, ut vidimus, præmittentibus pulli usuræ, Lirano contra illam huic postponente, *quasi primò sederit super pullum, deinde super asinam*: Nam pullus, inquit, erat indomitus, & proinde, quia non benè tolebat equitantem, ascendit postea super asinam, quæ domita erat.

(6.) (6) Mystica significatio perquam sanè comoda est, sed nihil probat: Res enim ipsa aliunde probata præsupponitur, & ad textum, cujus ipsius quodq; hæc præsupponitur interpretatio, accommodatur: ac valet hîc illud πολυθρύλλητον Rabbiorum; אין משיבין ערן כמשיבין במגדל הדרש אין מקשין במגדל non faciunt solidum sensum ex mysticâ interpretatione, neq; argumentantur ex historiâ quâdam è sensu Scripturæ mystico contextâ; hoc est, quod vulgò dicitur: Theologia Symbolica & allegorica non est argumentativa.

Sententia
tertia, affir-
mantis pri-
us absolute
ridicula.

§. 28. Tertia tandem opinio ridicula, & planè monstrosa est, qualem quidem haberi non vult, qui primus, quantum nobis cõstat, in scenam produxit, Petrus Kirstenius not. ad Evangel. Matth. Ambicium fol. 96. 97. miraculum hîc sibi fingens cum miraculo loquelæ asinæ Bileamî conferendum; sed reverà vix puerilius quidquam excogitari poterat, quam dum CHRISTUM putat corpore quidem infedisæ asinæ, pedes autem imposuisse tergo pulli comitantis matrem. Ita nimirum non divaricatis, sed conjunctis cruribus scæminarum more CHRISTUS asinæ infedisset, discipulis ephippium veluti muliebre è suis vestibus, cum illam sternerent, effigiantibus, pulloq; subicis aut pedanei vices subeunte. Er hätte also auff der Eselin geseffen / als wenn er auff einem Quersattel ritte / und wäre das Füllen zur Seiten der Steigbügel gewesen. Risum teneatis: Nam præterquam inquit, quod per se pulli ex affectibus naturalibus hoc facere soleant, cur dubitabimus tam vilem creaturam Creatori non obedisse, placideq; pedes
ejus

ejus tergo gestasse? Certè quibus hoc videbitur aut difficile, aut ridiculum, quid ipsis eveniet de sermone asinae Balaam Judic. XXII, 28? Certè nobis id, non diffitemur, & difficile & ridiculum videri, & nihil adhuc dum evenire sentimus de sermone asinae Balaam, quem miraculo formatum constat, quare hic fingere nulla cogit necessitas.

s. 29. His ita præmissis dicimus, *utrumq; jumentum, asinam putà & pullum, CHRISTO adductum, sed uno saltem eorum vectum fuisse, nempe pullo, quem ejus mater simul adducta, sessorem omnium primum admittentem, comitabatur.* Quæ assertio nostra Hebraismo in Historia Matthæi cum reliquorum Evangelistarum narrationibus diligenter conferendâ adhibito nititur, in cujus fidem sequentes ordine observationes attendi volumus. (1) Nihil Hebræis familiarius est, quàm ita loqui, ut pluralem pro uno ex pluribus, per ellipsin nominis distributivi אחד *unus*, אחת *una*, tunc semper sub intelligendi, ponant: cujusmodi exemplum in hoc ipso Zachariæ vaticinio manifestum conspicimus, cum pullus, qui certè à pluribus asinabus nasci non potuit, בן אתונות *filius asinarum* dicitur, רוצה לומר *hoc est*, inquit Glossa R. Dav. Kimchii fol. DCLXXXIX. col. 1. בן אחת האתונות *filius unius asinarum*, quemadmodum & de Jephtha dicitur Jud. XII, 7. & sepultus est in urbibus Gilead, *b. e. in una ex urbibus Gilead*: quæ cum tot verbis repeteret R. Aben Melech in Michlal Jophi fol. CLXI. col. 1. clarioris interpretationis ergo præmittit: על יחיד *Pluralis ponitur pro Singulari.* Atq; hæc eadem utriusq; ad citatum Judicum locum glossa est, Kimchii fol. CCLXXIIX. col. 2. Aben-Melechi fol. LVII. col. 1. Sic Jon. I, 5. Jonas dicitur descendisse אל ירכתי הספינה *ad latera navis*, ubi iterum Kimchi fol. DCLXV. col. 2. & Michlal Jophi fol. CLI. col. 2. אל יחיד כי פירוש אל *Pluralis ponitur pro singulari, adeoq; sensus verborum: AD LATERA NAVIS, est hic: AD UNUM EX LATERIBUS: quemadmodum Judicum c. XII, 7. dicitur: Et sepultus est in URBIBUS GILEAD: item Zach. IX, 9. & super pullo, filio ASINARUM.* Iterum uterq; ad Psal. XIX, 5. Kimchi edit. Vener. quæ non numeratis paginis Anno 1518. Bombergii opera in fol. prodiit. Michlal Jophi fol. CLXVII. col. 4. cum Soli tabernaculum positum dicitur

- בָּרָם *in eis*, orbibus nempe cœlestibus, eundem canonem eodem illustratum exemplo repetunt: בָּרָם רֹצֵחַ לֹמֵר בְּאַחַד כִּמּוֹ וְיִקְבֵּר בְּעִיר גִּלְעָד *cum dicit: IN ILLIS, dicere vult: IN UNO EX ILLIS, ad exemplum ejus: Et sepultus est in urbis Gilead.* Similiter R. Aben Esra illud *Psal. I, 3. fol. DCIIX. col. 1.* plantatus על פְּלִי מִיִּם *ad rivos aquarum*, interpretatur, על אַחַת הַפְּלִיגִים *ad unum rivorum*, atq; ad citata loca *Jon. I, 5. Jud. XII, 7. Zach. IX, 9.* provocat. Conf. & Dn. D. Gejerum *in b. l. p. 9.* Tacemus exempla alia magno numero obvia. Videatur B. Glassius *lib. III. Philol. Sacr. tract. X. can. 27. p. 95. seqq. (444) seqq.* Hebraïsmum hunc (2) scriptores N. Testamenti, & imprimis Matthæus, suum frequenter fecere, ceu post B. Glassium *loc. cit.* Vorstius *part. 1. de Hebraïsm. N. T. c. XV. p. 382. 383.* atq; alii luculenter ostendunt. Nec enim, cum de CHRISTO Pseudopropheta clamant, *Matth. XXIV, 26.* Ecce, *עַתָּה הִנֵּה מֵשִׁיחַ* *in penetralibus est*, aliter accipiendum, quàm *in uno penetralium.* Sic idem Matthæus *c. XXVI, 8.* indignatos scribit *τὰς μαθητὰς* *discipulos*, cum foeminam quandam unguentum pretiosum in caput CHRISTI effundere viderent, quod tamen Johannes *c. XII, 4.* *ἐν ἑκ τῶν μαθητῶν*, *unum ex discipulis* interpretatur: cumq; iterum *c. XXVII, 44.* *τὰς ἀητῶς τὰς συσταυρωθέντας κρασῶν* *latrones cum CHRISTO unâ crucifixos convitiatos dixisset*, saltem de uno exponit Lucas *c. XXIII, 39.* *εἰς ᾧ τῶν κρεμασθέντων κατέγγων ἐλασφήμεν αὐτὸν*, *unus autem suspensorum facinorosorum blasphemabat eum.* Et plura id genus exempla passim leguntur. Atq; huc (3) præsentem quoq; locum, quando Matthæus duo jumenta ad CHRISTUM adducta, eumq; *ἐπάνω αὐτῶν* *super illis* h. e. si juxta Hebraïsmum explicetur *super uno illorum* sedisse aut collocatum fuisse scribit, referunt post Hieronymum, Euthymium, Tostatum, Salmeronem, Bucerum, Bezzam, (licet eorum aliqui primæ opinionioni adhæreant) Glassius *part. I. Exeges. Evangel. Dom. I. Advent. p. 73.* Vorstius *part. I. de Hebraïsm. N. T. c. 15. p. 382.* Ludov. de Dieu *Comm. in Matth. XXI, p. 88.* Hackspanius *part. III. Notar. Phil. in diffic. script. Loca p. 144.* quanta inter Philologos nomina! quorum tamen hæc autoritas sola valere nequit, contradicentibus non minoris autoritatis viris. Inquirendum igitur (4) an vel difficultas aliqua, vel reliqui Evangelistæ eandem historiam persequuti de Hebraïsmo hic attendendo moneant? Aëmonet

monet utiq; difficultas, si CHRISTUM nec simul, nec ob breve temporis & viæ spacium per vices, utroq; potuisse vehi consideres: monent cæteri Evangelistæ, qvi omnes, ipse Johannes quoq; qvibusdam adhuc ambiguus visus, uni tantum, nempe *πῶλον pullo*, vel, qvâ voce Johannes utitur, *ὄναρ asello* insedisse scribunt: monent illa omnia, qvæ ad removendam secundam opinionem paulò antè §. 27. observavimus. Imò id (5) prima omnium & antiquissima versio Syriaca monet, quam uti vel alicujus ex Evangelistis, vel omninò illorum, qvi Antiochia habuerunt ipsos Apostolos presentes, qvos de locis multis obscurioribus consulere & audire potuerunt, esse censet Jacobus Martini in præfat. edit. Trostian. ita: *ad hanc solam*, inquit, *quando in fontibus Græcis quædam occurrit obscuritas vel difficultas, tunc acceditur: hæc sola, quando de loci alicujus interpretatione versioneq; dubium movetur, tunc ac sine errore consulitur: per hanc solam Græcus textus verè illustratur, rectè intelligitur: hujus enim solius auctoritas proximè ad ipsorum fontium majestatem accedit.* Quid ergò hæc? ita sanè Matthæi mentem exposuit, ut de sententiâ nostrâ dubitare prohibeat:

וְאָסִינָא וְכֶלֶבֶד וְכֶלֶבֶד וְכֶלֶבֶד וְכֶלֶבֶד
וְכֶלֶבֶד וְכֶלֶבֶד וְכֶלֶבֶד וְכֶלֶבֶד וְכֶלֶבֶד

Et adduxerunt asinum & pullum, & posuerunt super pullum vestimenta sua & insedit illi JESUS. Vides utrumq; jumentum adductum, sed solum pullum vecturæ adhibitum. Quod sicuti extra dubium nunc (6) ponitur; ita ratio porrò investiganda, cur cæteri Evangelistæ nullam asinæ cum pullo præsentis mentionem fecerint? nempe quia illud jumentum, cui CHRISTUS insedit, memorasse sufficiebat. Expectabat asina in vico, ubi alligata erat, viatorem, cui si abduceretur, serviret, vel relicto in stabulo pullo suo, vel si admitteretur, pullo stipata. CHRISTUS ergò utrumq; sibi afferri, & si quæreret fortè possessor, quid hoc esset, quòd se incio & sine præviis pactis aut conditionibus, cum qvibus aliàs, ceu suprà è Talmude vidimus, dimittere soleret asinam, abducerent, eamq; non solam, sed quod raro contingeret, unà cum pullo? respondere jubet: Dominus *דְּאִין חָשֵׁהוּ עִינֵי* illis opus habet. Quæ cum ita gesta essent, utrumq; possessor dimisit, licèt non aliter existimaret, quàm Dominum asinâ velle vehi, pullumq; saltem ideò, ne diutius longiusve à Matre ab-

esset, petere; sed nec Discipuli aliter sentiebant. At ille ex adductis solum sibi pullum, nullum hucusq; , ut Marcus & Lucas addunt, fessorem passum, vectorem elegit, admirantibus sine dubio discipulis & singulis qui aderant: adeoq; hinc & *vulgare* quidpiam, quod *asino*, & *singulare*, quod praesente asinâ ad hoc servitium saepius admodum solitâ, pullo tamen vecturâ nondum adiveto vehitur, concurrunt, quorum utrumq; reliqui Evangelistæ satis annotarunt, Matthæo interim adhuc plures illas, quas recensuimus, circumstantias cumulant. Et hæc (7) clavis est, quâ sensum vaticinii Zachariani referamus, ne vel plus vel minus Prophetam fingamus prædixisse, quâ eventus docuit. Asinam & pullum, duo numero distincta animalia, non unum per *חמור ועיר* ipsum intellexisse, ex iis clarum est, quæ §. 26. diximus; nec voluisse tamen propterea duos CHRISTO vectores tribuere, sed duos saltem indicare adducendos, è quibus unum sibi electurus esset, ex modò dictis constat, è quibus unâ cognoscimus, quod simul antea quærebatur, *pullum* non *asinam* ipsum elegisse. Atq; sic optima Prophetæ, Matthæi & cæterorum Evangelistarum harmonia est.

Calumniæ §. 30. Cæterum dum hæc pro instituti ratione satis prolixè de Gentilium asino Messia commentamur, venit in mentem suspicari: Annon hinc *ὄνολατρεία* fortè ansam cæperint Gentiles *ὄνολατρεία* seu *asini cultum* Judæis *an impu-* paritur & Christianis affingendi. Nam de Judæis notum illud Petronii in *Satyrice*:
Judæus licet & porcinum numen adoret,
Et cilli summas advocet auriculas.

Ubi Amanuensium ignorantia pro *Cilli* vocem *Cæli* in plerisq; codd. substituit, quæ lectio multum negotii glossatoribus faceffit; sed *κίλλος* ὄντ. est, teste Hesychio, ut idem utriusq; asini & porci cultus à Petronio exprobetur Judæis, quem Plutarchus *lib. IV. Symposiac. quæst. 5. fol. 670. edit. Xylandr. Græco-Lat. Anno 1620.* ita junctim notat, cum verba Callistrati refert, quibus Suem apud Judæos cultum probabat, interq; alia ad hunc quoq; provocabat cultum asini: *καὶ ἴσως ἔχει λόγον, ὡς τὸ ὄνον ἢ ἀναΦήναντα πηγὴν ἀνθρώποις ὑδάτος πωῶσιν, ἔτι καὶ τὴν ἐν στήθεσσι (πύξιν καὶ ἀεὶς) διδάσκαλον γενομένην. Et fortasse hoc rationi consentit, sicut asino suus est apud eos honor, qui fontem aquæ eis demonstravit: Ita Suem eos revereri,*

reuereri, ut sationis & arationis magistrum. Nempè ut ambiguum erat, utrum illi ex veneratione, an verò odio & execratione à carne, suillà abstinerent: sic contrà certum hoc & extra dubium ponebat. Callistrates, in cultu & honore asinum esse. Id enim magno consensu omnes veteres tradidisse, testatur Lipsius *not. ad lib. V. Hist. Tacit. fol. 54.* ac solent de eo loca Taciti *ex lib. V. Hist. fol. 329.* Democriti apud Suidam *ιδδας fol. 403.* & imprimis Iosephi *lib. II. contra Appion. cap. X.* passim ab Autoribus citari, quorum ultimus in nobilem illum Grammaticum hoc nomine graviter invehitur, quòd Judæis aureum asini caput in sacrario collocatum, cultum, & ab Antiocho Epiphane, cum templum exspoliaret, repertum objecisset. Idem postea opprobrium Christianos petiit, fuitq; inter ea, quæ Cæcilius Octavio obvertebat apud Minutium Felicem in *Octavio fol. 6. Edit. Elmenhorst. A. 1612.* Audio, inquit, eos turpissima pecudis caput asini consecratum ineptâ nescio quâ persuasione venerari: digna & nata religio talibus moribus. De quo cum Tertullianus in *Apologetico c. XVI. fol. 63. Tom. I. edit. Parisiensi. Caroli Moreau Augustiniani A. 1658.* conquestrus esset, somniasse gentiles, caput asini esse DEUM nostrum, nosq; idcirco inter cultores omnium pecudum bestiarumq; Asinarios vocandos, simulq; verba Taciti ex *quintâ historiâ* recensuisset, ibidem pariter & *lib. I. ad Nation. c. 14. fol. 354. citat. e editionis,* calumniam deterfurus, novam, ait, *Roma,* (hanc enim sine dubio per istam Civitatem utrobique intelligit) *Dei nostri editionem publicatam, ex quo quidam frustrandis bestiis mercenarius noxius,* (quem altero in loco sue religionis desertiorem, & solo detrimento cutis Judeum nominat) picturam proposuisset, cum ejusmodi inscriptione: *DEUS CHRISTIANORUM ONOCHOETES:* seu ut alii legunt, *ONONTCHITES:* Is erat, inquit, auribus asininis, altero pede ungulatus, librum gestans, & togatus. Planè uti de Gnosticis Epiphanius, cum in *Panario Hæres. XXV. f. 45. edit. Græc. Oporin. A. 1544. & f. 40. edit. Lat. Cornar. A. 1560.* dixisset: *Φασὶ δὲ τὸν Σαβαώθ οἱ μὲν ὄντα μορφὴν εἶχεν, οἱ δὲ χοίρες,* tradunt autem, Dominum Sabaoth, alii asini formâ habere, alii porci, eosdè mox *f. seqq. 46. & 41.* quibusdam interpositis è blasphemo eorum libro *γέννα Μαρία* stirps Mariæ in scripto refert, confinxisse, quasi Deus sub asini formâ, Zachariæ in sanctuario apparuisset: *εἶδε γὰρ, Φάσιν, ἐν τῇ ὥρᾳ τῆς θυμιάματι τινὰ, ὡς ἐθυμία, ἀνθρώπου ἐστὶν ὅντα μορφὴν εἶχεν.*

Ἰα. καὶ ἐξελθὼν Φασεί, καὶ θέλων εἰπεῖν, ἔα ὑμῖν, τίνι προσκυνεῖς; ἀπέφραξεν αὐτὸ τὸ σῶμα ὁ ὀφθαλμὸς ἐνδον ἐν τῷ νάῳ, ἵνα μὴ δύνηται λαλήσαι. Ὅτε ἠνέοιγεν τὸ σῶμα αὐτὸ, ἵνα λαλήσῃ, ὅτε ἀπέκάλυψεν αὐτοῖς, καὶ ἀπέκλειναν αὐτὸν. Καὶ ἔως, φάσιν, ἀπέθανε ζαχαρίας. Vidit enim, inquit, in hora suffitus, cum suffitum faceret, hominem quendam stantem, asini formam habentem, & cum egressus esset, ac dicere vellet: Vae vobis, quem adoratis? Obturavit ipsius os ille qui visus est ab ipso in templo, ut loqui non posset. Cum verò aperiret os suum, ut loqueretur, tunc revelavit ipsis, & occiderunt ipsum, & sic mortuus est Zacharias.

Natæ vi-
dentur à
Vecturâ
CHRISTI
asiniâ.

§. 31. Non equidem ignoramus, quantum exercuerit hoc convitium in Judæos æque ac Christianos ab Ethnicis sparsum Eruditorum ingenia, & quàm diversum sapiant, qui suas de illius origine & occasione conjecturas exposuerunt, Nic. Fullerus lib. III. Miscell. Sacr. c. IIX. p. 322. Gerh. Jo. Vossius lib. III. de Orig. & progress. Idololatr. c. LXXV. p. 134. seqq. Jo. Seldenus syntagm. II. de Diis Syris c. XVII. p. 368. seqq. & lib. 3. de Jure Naturali & Gent. c. 1. fol. 135. edit. Londinens. Cæsar Baronius Tom. II. Annal. ad A. C. CCI. num. XXI. seqq. fol. 305. seqq. Jo. Dallæus lib. I. de religiosi cultus objecto c. XIV. p. 134. Sam. Bocharius part. I. Hierozoic. lib. II. c. 18. fol. 220. seqq. Matthias Zimmerman Dissert. histor. Theol. ad Tertull. Apolog. c. 18. §. 19. p. 86. seqq. Christ. Kortholt. Diatrib. I. de Calumniis in Vett. Christianos sparsis num. III. p. 3. seqq. aliiqve, quorum ἀγχινοίαν, quâ quisque valuit, meritò suspicimus; sed dabitur tamen inter tot sententiarum divortia fortassis & nostræ huic non usque aded improbabili conjecturæ locus. Audiverant Gentiles aliquid de Judæorum Rege & Servatore super asino adventuro, cumq; gaudio ab ipsis excipiendo: audiverant postea Christianos non minùs gloriari de CHRISTI Θεανθεώπας super asino in urbem Jerosolymam, imò in ipsum forsit usq; Templum ingressu. Quemadmodum igitur aliàs ridere nos & eludere solebant, ὅτι ὁ Θεὸς τῶν χριστιανῶν, ὁ καλέμενος χριστός, εἰς ὄνειρον ἐκείσιν, quòd DEUS Christianorum, qui CHRISTUS vocatur, in asello confederit, teste Athanasio in sermone super illud: πορεύθη εἰς ἡν κώμην, Tom. III. Opp. f. 577. edit. Nannii Frobeniæ Basil. A. 1556. ita facile ipsum asini sessorem esse asinum, calumniari potuerunt, & statum DEI nunc caput asinum, nunc homi-

hominem auribus asininis referentem in Templi adyto, in quod nemo intromittebatur, repositam fingere. Fidem conjecturæ facit a-
lia ejusdem fabulæ enarratio apud Photium in *Myriobibl. n. CCXLIV. fol. 150. edit. Cræco-Latin. Rethomag. A. 1653.* qui è Diodori Siculi *lib. XXXIV.* caput illud asini aureum, quod Epiphanem in templi adytis reperisse fingeat apud Josephum Grammaticus Appion, in marmoream transformat statuam, quæ hominem asino insidentem, barbâ promissa, & librum manibus tenentem repræsentasset. *Ανίσταται*, inquit, *ὁ προσαγορευθεὶς Ἐπιφανής, καὶ ἀπολεμήσας τὰς Ἰουδαίους, εἰσῆλθεν εἰς τὸν ἅδυτον τῆς θεῆς σὺκόν, ὃ νόμιμον εἰσεῖναι μόνον τὸν ἱερέα. Εὐρών δὲ ἐν αὐτῷ λίθινον ἀγαλμα ἀνδρὸς βαθυπώγων, καθήμενον ἐπ' ὄνυχας, καὶ χεῖρας ἔχον βιβλόν. Τῷ μὲν ὑπέλαβε Μισέως εἶναι, τὴν κλίσαν τὰ ἱεροσόλυμα, καὶ συζησαμένους τὸ ἔθνος, πρὸς τῶν νομοθετήσαντων τὰ μισάνθρωπα παρὰ νόμα ἔθνη τοῖς Ἰουδαίοις.* h. e. ut Andr. Schottus vertit: *Antiochus dicitur Epiphanes devictis Judeis intravit sancta sanctorum, adius solis Sacerdotibus adeunda, & invenit ibidem lapideā statuam viri barbâ promissâ, tenentis manibus librum insidentisqve asino, quam putabat Moyses esse, qui urbem & condiderit, & gentem fundarit, & odiosas illas omnibus Genti- bus leges tulerit.* Quæ similiter, sed à Laurentio Rhodomanno aliter translata leguntur in *Eclogis*, quas ille suæ Diodori Siculi editioni è Photii bibliothecâ annexuit *p. 1171.* & omnino ex hoc vaticinio Prophetæ contexta videntur, et si Moyses statuam suspicatus dicatur Epiphanes. Nam, quod in fabulis solet fieri, ut circa statuæ cū materiā tum figuram variarunt, sic & ipsam quidem statuam finxerunt pro DEO cultam, sed rationem ἀποθεώσεως aliam aliamqve reddiderunt. Hinc ne Plutarcho ac Tacito memorata cultus causa de repertis ab asino aqvis obesse nobis poterit, quam ut confictæ ex asinino Messia equitatu fabulæ adspargerent, aliundè confusis suo more diversis Hebræorum historiis arripuerunt. Qui pri-
mus fabulæ autor fuit, is sine dubio Messiam Judæorum, in quem sperarent, admiratus est advehendum asino, & istarum va-
rietatē
tu traduceret apud suos invisam gentibus nationem, Judæorum DEUM dixit asino insidere. Porro non ignota erant sacra, quæ tam solenniter, tam sumptuosè, tantoqve cum splendore & apparatu fiebant in templo tribus secessibus & veluti palatiis inter-

stincto, in quorum exteriori, qui ad reliqua ingressui patebat, sacrificia incendebantur, in medio & lucernæ perpetuò ardebant, & panes mensæ aureæ impositi hebdomatim innovabantur, & suffimentum bis quotidiè fiebat, in intimo tandè ipse DEUS peculiari ratione præfens quasi in suâ camerâ sedebat, rogatusque de rebus dubiis dabat responsa: in quod ne Sacerdotum quidem ulli, nisi Summo ingredi licebat, idque semel duntaxat quotannis, sanctissimo illo expiationis festo, cujus solennitatis fama non potuit non ad Gentiles pertinere. Quemadmodum igitur deorum suorum simulacra in sacratoribus templorum penetralibus reposita venerabantur Ethnici: sic in his templi Jerosolymitani adytis Idolum DEI Judaici constitutum putabant. Sed quæ illud? DEUM Judæorum vehi asino ridebant: Ergò statuam fingeant *hominis asino insidentis* ibi collocatam esse, qualem ab Antiocho visam mentiebatur Diodorus. Exinde alii *hominem asinino capite monstruosum*, alii solum *caput asini* efformarunt, atque hinc varietas circa figuram simulacri asinini nata est. Postquam verò arcæ fœderis cum propitiatorio & Cherubinibus ex auro mundissimo facta in sancto sanctorum, veluti thronus Divinæ gloriæ ac Majestatis collocata tam operè celebrabatur à Judæis, ut omnem ejus memoriam clàm Ethnicos habere nequiverint, & verò ejus in secundo templo defectum lapis quidam סתר dictus, de quo latè disserit Buxtorfius in *Histor. Arcæ fœder. c. XII. p. 186. seqq.* creditus sit supplevisse, inde illinc caput asini aureum, hinc lapideam statuam provenisse conjicimus. Quæ quidem sic inter Gentiles inoleverant, ut asinum Jerosolymis in sanctuario crederent adorari, occasionis tamen, quâ hæc opinio introducebatur, ignari, varias sibi causas *ὀνομασθείας* Judaicæ excogitarent. Ita factum, ut qui ex Simsonis fortè historiâ maxillam asini inaudiverant sitibundo Heroi aquam suppeditasse *Jud. c. XV, 19.* aut si hæc minus placeat conjectura, nobis interim optima omnium visa, qui vocum quarundam Hebraicarum vel ambiguitate, vel cum aliis cognatione decepti את הימין *Gen. XXXVI, 24. h. e. mulos in stagna, vel אילים* *Exod. XV, 25. h. e. campos in אילנות* pullos asininos converterât, Judæos hoc beneficio fingerent adeò obstrictos asino redditos, ut, quod Ægyptii cum primis, aliæque gentes solebant, *ἀποθεώσαι* illud remu-

remunerari, atque asinum propterea inter deos relatum divinis
afficiendum honoribus decrevisent. Atque hoc eodem scommate
Christianos postea, quos è Judæis prognatos existimabant, quasi *Afi-*
narios, sive *Asini cultores*, prosequerentur, idque cum maximè, quod
DEUM suum JESUM CHRISTUM, gloriarentur in asino equi-
tasse.

§. 32. Quamquam verò hoc atrocis calumniæ labes erat, quâ ^{Papistæ} ^{cultores} ^{asini.}
tàm Judæos, quàm Christianos Ethnici non sine summâ utrorumque
injuriâ aspergebant, citra tamen injuriam Pontificiis hodiè cultum
asini objicimus, apud quos cum seculo IX. iconolatria invaluisset,
fuit quidam *Claudius*, natione *Hispanus* & *Taurinensis Ecclesie Præsul*,
qui errorem illum debellaturus, absurditatem potissimum *Augusti-*
nas à cultu asini demonstrabat, qui ex eadem ratione, quâ illum
excusabant, sequeretur. Cujus quidem scripta integra ad nostram
memoriam non pervenerunt, Centuriatores tamen *Magdeburgici* è
Jonæ Aurelianensis *tribus libris de cultu Imaginum*, quos *Claudio* illi
opposuit, sententiam ejus, & interdum verba excerpserunt, quibus &
hoc debemus è *Centuriâ IX. Hist. Eccles. c. V. fol. 220. & seqq.* quod de
hoc *Claudii* argumento novimus. Obiciebant iconolatræ, se tan-
tùm ob recordationem adorare & venerari crucem, ad quod *Clau-*
dius: *Si omne lignum*, inquebat, *schemate crucis factum*, volunt ado-
rare pro eo, quod *CHRISTUS in Cruce pendit*, & alia multa illis con-
venit, quæ *CHRISTUS egit per carnem*. Quod cum exemplis inustra-
ret, adorandas sic esse puellas virgines, quia virgo *CHRISTUM* pe-
pererit, adoranda præleptia, quia in præsepio jacuerit, adoranda id
genus alia, quæ attigerit, inter hæc etiam ad asinum defertur, quo
CHRISTUS vectus est: *Adorentur*, inquit, *asini*, quia *super asellum se-*
dendo ad Hierosolimam usque pervenit. Nempe, ut maximè nulla crux
ita ad vivum repræsentaret crucem *CHRISTI*, ceu nostri asini illum
asellum, vix tamen vesanz adeò mentis fore putabat Iconolatræ,
ut asinum idcirco, quod *CHRISTUS* ei infedisset, venerarentur, un-
de nec crucis lignum adorandum inferebat, quod ejus, in quo
CHRISTUS pendit, figuram, quam certò definire nequeamus,
minùs adhuc exhiberet. At verò, cum nondum hodiè ab illâ crucis
sanctæ veneratione desistant Pontificii, eodem fundamento, quia
CHRISTUS illam tetigerit, nixi, quæ de injuria non possunt, si quis
suspi-

Cauda asini inter sanctas reliquias ulta.

suspicitur, asinum similiter apud ipsos in cultu & veneratione esse. Sed ne ex solâ consequentiâ, cuius interim fortè consequens negent, *ὄνολατρείααν* ipsis imputare videamur, reverâ eos *asini* non caput, sed *caudam* venerari compertum est, quam de hoc CHRISTI asino inter reliquias Genevæ asservasse, atque religioso reliquiarum cultu prosequutos fuisse, è libro quodam Gallico, qui longum reliquiarum catalogum texuit, à Nicolao Gallasio seculo superiori translato testatur Wolffius *in lectionibus memorabil. Centen. XVI. fol. 791.* Excusent id Papicolæ, ut velint, nunquam tamen satis isthanc labem abstergent.

Processio diei Palmarum super asino.

§. 33. Huc simul referenda *Processio*, quæ singulis annis Dominicâ Palmarum cum summâ lætitiâ & solennitate, ac maximo populorum concursu in terrâ sanctâ per viam, per quam CHRISTUS ingressus est ex Oliveto in urbem, hodiernum solet institui. Convocat Præsul sancti montis Zion fratres & peregrinos & omnes Christianos, qui Jerosolymis habitant, ad locum, in quo CHRISTUS creditur mandatum de adducendâ asinâ cum pullo discipulis dedisse. Comparent omnes, & in terrâ prostrati sacrum locum deosculantur. Postea fufis ad DEUM precibus Præsul ad concionem vel de amore CHRISTI, vel de mundi contemptu, vel de viâ, quâ ad gloriam, & coelestem Jerosolymam itur, vel de gloriâ ipsâ, vel denique de realiâ, quam loco, tempori & Auditoribus convenientissimam judicat, verba facit. Oratione finitâ Diaconus, sacris vestibus indutus, acceptâ à Præsule benedictione, populum salutât, & pericopam ex historiâ Matthæi Evangelicâ, isto die in Ecclesiâ cantari solitam, altâ voce præcinit: cumq; ad illa verba: *Tunc JESUS misit duos discipulos, dicens eis,* deventum est, confestim Præsul, Christi personam gerens, duobus fratribus, genibus coram ipso insistentibus atq; ad hoc in præsentî ordinatis: *Ite,* inquit, *in Castellum, quod contra vos, & statim invenietis asinam alligatam &c.* qui continuo surgunt, atque ad illum locum, ubi Castellum asinæ fuisse olim creditur, pergunt, Diacono inter reliqua Pericopæ Evangelicæ verba præcinnente. Eò ubi pervenerunt, præparatum inveniunt asellum, quem ad Præsulem ducunt, eumq; strato vestibus asino imponunt. Hic igitur in eo sedens per montem Olearum Jerosolymam pergit, ingenti fratrum aliorumq; Christianorum turbâ stipatus, quorum maxima pars herbis, floribus

&

& palliis viam sternit, cantantibus simul omnibus solemnem huic diei antiphonam: *Pueri Hebræorum portantes ramos olivarum &c.* quod jubulum continuatur, usq; dum ad locum pervenerunt, ubi CHRISTUS coniectis in civitatem oculis fleuit, in cujus memoriam pericopa *Luc. XIX, n. seqq.* de lacrymis CHRISTI decantatur. Hinc coeptum iter in urbem usq; prosequuntur. Intrat autem processio, civibus foras, ut CHRISTI videant triumphum (sic enim vocant) confluentibus, cum porta aurea muro clausa sit, per alteram montis Sion ad Ecclesiam S. Salvatoris, quam Præsul peractis secundum Processionis solemnia peragendis, relicto asello, cum comitatu suo ingreditur, & ante altare majus orationem dicit, quâ finitâ populû, versâ ad ipsum facie, cum benedictione dimittit. Dimisso populo Præsul frugali prandio à fratribus parato recreatur. Quæ omnia non refert modò, sed & in originem Processionis cû tantâ solemnitate inter infideles permissâ latiùs inquirat, *αὐτόπτης* Franciscus Quaresmius, Terræ Sanctæ olim Præses *Tom. II. Elucid. Terræ S. lib. IV. Peregrinat. X. c. XI. & XII. fol. 333. & seqq.*

תוספתא

In gratiam illorum, qui fortè mysticam interpretationem fabulæ de tribus Asini unius Dominis vel fessoribus, Abrahamo, Mose, & Messîâ desiderant, discursum R. Abarbanelis, cujus §. 17. aliquam mentionem fecimus, excerpemus ex ejus *Perusch hassorab. fol. LXXV. col. 4. circa fin.*


Cæterum, dum Scriptura ait, *Abrahamum stravisse* חמור cum suffixo, Asinum SUUM, explicandum quidem est juxta sensum literalem, quòd plures quidem domi habuerit asinos, quibus partim ad equitandum, partim ad bajulandum onera usus fuerit, nunc autem noluerit Abrahamus sternere alium, quàm unicum illum asinum, quæm sibi proprium & peculiarem alebat, cujus quippe defectus non conveniret esse in domo. Nam cum unicuiq; ministrantium in domo suum assignatum sit jumentum, quo veluti sibi proprio servitium suum obeat, quærere illud solet quotidiè; at illum contrâ asinum, qui Patris familias peculiaris & proprius est, nemo quærit, siquidem cum eo non serviat. Interim quia in hac ipsâ actione Abraba-


ואמנם אמרו חמורו בכנוי אליו
יש לומר לפי הפשט שהיו חמורים
הרכה בבית קצתם לרכוב עליהם
וקצתם לשעון ואברהם לנצח רצה
לחבוש אליו חמור אחד שהיה
מיוחד אליו כרי שלג יורגש
חסרונו בבית כי כל אחד
מהשרתים יש לו בהמה מיוחדת
בבית לעבוד עבודתו אותו יבקש
בכל יום ואמנם החמור המיוחד
לבעל הבית לא יבקשו אדם
כי לא ישתמש בו ולפי שהיה

אברהם בזה כובש את יצרו ומבטל
 טבע החמר ראו החכמים ז"ל על
 המליצה לרוש ויחבוש את
 חמורו שחבש והכניע את החומר
 והוצר שלו כי בזה יוכל ללכת אל
 המקום אשר אמר לו האלהים ולפי
 שהיה אברהם התחלה בשלמות
 אומתנו ומשרה רבינו בנתינת
 התורה שנתנה ע"י משלים אמלתי
 לפסוק מהם זוהמה של נחש ומלך
 המשיח והיה תכלית כל הטוב
 המיוחד לכן אמרו רבותינו ז"ל
 במליצתם שזה החומר בעצמו
 שחבש אברהם הוא אשר רכב
 עליו משה הוא אשר ירכב עליו מלך
 המשיח ז"ל שאותו החומר שהכניע
 אברהם תחת שכלו הכניע גם
 כן משה רבינו בקבול התורה
 והכניע גם כן מלך המשיח להתנו
 שלמים בתכלית השלמות וזכרו
 אלה הג' אברהם ומשה ומשיח
 להיותם ראש ואמצעי ותכלית
 לשלמות אומתנו:

בשעה שכתב נחש על חור הטיל בה
ea hora, quā cum Evā congressus est serpens, injectit in eam inqvi-
nammentum;) tandem verò Rex Messias futurus sit finis omnis boni cui-
 libet proprii: idcirco dixerunt in mythicā hāc narratione suā Rabbini
 nostri felicitis memoriæ, hunc esse ipsummet illum (החומר) asinum,
 quem frānavit ac stravit Abrahamus, esse, ipsummet illum, cui insedit
 Moses, esse ipsummet illum, cui aliqquando etiam Rex Messias insidebit,
 quasi dixissent, eandem (החומר) materiam, quam Abrahamus subegit
 sub intellectum suum, subegisse consimiliter Mosen Magistrum nostrum,
 cū acciperet legem, & subacturum non aliter Regem Messiam ad con-
 ferendam nobis beatitudinem in fine perfectionis. Meminerunt autem
 horum trium solū, Abrahami, Mosis, & Messia, quod hi tres sint ille,
 quidem initium, iste medium, hic finis perfectionis
 nationis nostræ.

כיראו







005647485

